



資治通鑑考異卷二十五

唐紀十七

中和三年二月韓簡為部下所殺

舊傳簡攻河陽行及新郡為諸葛爽

所敗單騎奔迴憂憤疽發背而卒時中和元年十一月也新傳亦同今從實錄

莊夢蝶為賊所敗高仁厚代討之

張詠者舊傳曰中和四年甲辰春三

月峽路招討指揮使莊夢尚書為韓秀昇所敗退至

忠州川主太師召眉州刺史高仁厚使討秀昇等許

以成功除梓帥即日聞奏拜行軍司馬將步卒千人

三月五日進發句延慶者舊傳中和三年二月莊夢

蝶為賊所敗川主喚仁厚奏授峽路招討都指揮使

將兵三千人三月辛丑進發實錄三年二月夢蝶為

賊所敗陳敬瑄奏以仁厚代夢蝶將兵三千進討詔

拜行軍司馬二月丁卯朔無辛丑辛丑乃四月五日

延慶誤也實錄三年二月敬瑄奏仁厚代夢蝶蓋亦用句傳年月今從之

三月合淝楊行愍

十國紀年云楊行密六合人今從薛居正五代史徐鉉吳錄

高仁厚擒韓秀昇

張散者舊傳中和四年高僕射將步卒千人三月五日進發莊尚書

三月二十日齊進四月十四日峽路申四月一日大破峽賊句延慶者舊傳三年四月庚午擒韓秀昇捷書到府按是月丁酉朔無庚午實錄中和三年四月庚子仁厚擒韓秀昇獻於行在初仁厚至峽與賊戰其衆大敗賊中小校縛秀昇出降據鄭畋集有覆黔初觀察使陳旼奏涪州韓秀昇謀亂已收管在州候敕旨狀云秀昇劫害黔州府俘掠帥臣占據涪陵扼截江路遽懷僭妄求作察廉陳旼爰命毛珙部領甲士直趨巢穴便破城池迫逐渠魁勦除逆黨而諸家之說皆云仁厚所獲新傳裴怒執秀昇以降仁厚檻車送行在斬於市張散者舊傳中和二年三月干能反八月羅渾擊反十月旬胡僧反十二月羅天子反三年北路奏黃巢正月十日敗走收復長安正月干能遣羅渾擊於新穿堪下二十七寨把斷木陸官路六月韓求反其邛州賊首干能遷地漸復入蜀州界九月峽路賊韓秀昇十月旬路賊屈行從反川主

師去押衙莊二夢將兵一千十月二十日發往峽路

討韓秀昇屈行從等十一月五日高仁厚進發討干

能九日收邛州境內諸寨十日州縣豁平二十二日

回戈朝見三日大設五日議功授眉州刺史四年三

月莊夢退至忠州川主差高仁厚將兵三月五日進

發莊尚書三月二十日齊進四月十四日申四月一

日大破峽賊擒秀昇等十五日東川楊師立反旬延

慶者舊傳止於鈔改張傳為之別無外事但移渾擊

反於中和二年五月胡僧羅天子反於六月韓求反

於其年七月莊夢蝶計韓秀昇屈行從以其年十月

癸丑進發高仁厚破干能等五賊回朝見在其年十

二月戊寅三年二月莊夢蝶為賊所敗川主遣高仁

厚將兵三月辛丑進發四月庚午擒韓秀昇捷書到

府是月楊師立反四年北路奏黃巢正月十日敗走

收復長安不知延慶改移年月別有所據邪將率意

為之也至於三年楊師立反四年收復長安其為垂

謬尤甚於彰實錄干能韓秀昇等事率依旬傳而誤

通鑑考異卷三十三

邛州敗之續實運錄中和三年涪州韓秀昇反冬干
能反高仁厚討平之按賈緯唐年補錄及實錄所載
鐵券文皆云維中和三年歲次癸卯十月甲午朔十
六月日巳酉皇帝賜功臣陳敬瑄鐵券其文有戮干能
如翦草除秀昇若焚巢然則秀昇之敗必在此日前
也張傳破秀昇在四年四月其四年十月十日亦載
賜川主太師鐵券乃云維中和三年歲次癸卯十月
甲子朔五日戊辰文與補錄實錄同其昏耄如此句
傳取張事而改其年實錄用句年而改其日其
千能韓秀昇等起滅不知的在何時今從實錄

四月甲辰李克用收京師舊紀四月庚子沙陀等軍趨長安賊拒之於渭橋大

敗而還李克用乘勝追之已卯黃巢收殘衆由藍田
關而遁庚辰收京城楊復光告捷按是月丁酉朔無
已卯庚辰敬翔梁太祖編遺錄四月乙巳巢焚宮闈
省寺居第略盡擁殘黨越藍田而逃明日上與諸軍
收復長安實錄甲辰李克用與忠節將龐從河中將
白志遷橫野將滿存朝邑將康師貞三敗賊于渭橋
大破之義成義武等軍繼進乙巳巢賊燔長安宮室
收餘衆自光泰門東走由藍田關以道諸軍進收京

師新紀三月壬申李克用及黃巢戰于零口敗之四
月甲辰又敗之于渭橋丙午復京師舊傳曰四月
日克用合忠武騎將龐從遇賊於渭南決戰三捷大
敗賊軍十日夜賊巢散走詰旦克用由光泰門入取
京師巢賊出藍田七盤路東走關東新傳曰克用遣
部將楊守宗率河中將白志遷忠武將龐從等最先
進擊賊渭橋三戰三北於是諸節度兵皆奮無敢後
入自光泰門賊崩潰逐北至望春入昇陽殿闥巢夜
奔衆猶十五萬聲趨徐州出藍田入商山程匡柔唐
補紀曰楊復光帥十道行營節度使王重榮李克用
等兵士二萬餘人自光泰門入襲逐至昇陽殿下殺
賊盈萬黃巢軍敗陣上奔逃取藍田關出後唐太祖
紀年錄乙巳巢敗焚宮室東走太祖進收京師唐年
補錄八日克用等戰渭南三敗賊軍九月巢走按楊
復光露布云今月八日楊守宗等隨克用自光泰門
先入京師又云賊尚爲堅陳來抗官軍自卯至申群
凶大潰賊即時奔遁南入商山然則官軍以八日入
城賊戰不勝而走此最可据今從之渭南之戰必在
八日以前諸書皆誤也

揚復光遣使告捷

張彭耆舊傳中和三年北路奏黃

二月北路行營收城將士並回戈句延慶耆舊傳曰
四年北路奏黃巢正月十日敗走收復長安三月北
路行營破黃巢將士並回延慶耆舊傳曰
年三年事於四年而不移其月日其為差謬又甚於
散今但云告捷
更不著月日

六月韋宙奇劉謙

新傳宙弟岫亦有名宙在嶺南以
從女妻小校劉謙或諫止之岫曰

吾子孫或當依之薛居正五代史韋宙出鎮南海謙
時為牙校宙以猶女妻之北夢瑣言曰丞相韋公宙
出鎮南海有小將劉謙者職級甚卑氣宇殊異乃以
從女妻之其內以非我族類慮招物議風諸幕寮諫
止之丞相曰此人非常流也他日吾子孫或可依之
謙以軍功拜封州刺史韋夫人生子曰隱曰巖十國
紀年曰劉謙望字德光亦名知謙後止名謙唐成通
中為廣州牙將韋宙以兄女妻之新傳云岫知謙恐
設令從瑣
言紀年

七月李克用為河東節度使鄭從讜詣行在

舊紀五
月李克

充河東節度使七月詔鄭從讜赴行在新紀五月
從讜為司空同平章事賈緯唐年補錄五月制李緯

可同平章事充河東節度使舊從讜傳三年克用授
河東節度代從讜五月十五日從讜離太原道途多

寇行次絳州留駐數月冬詔使追赴行在復輔政唐
未見聞錄曰五月敕除李尚書鴈門節度使六月二

十五日鴈門節度使李僕射般次於府東路過六月
內有除日到相公除替赴闕鴈門節度李相公除河

東節度使十五日相公取西明門進發當月內新使
李相公有榜示安撫在城軍人百姓曰無懷舊念各

仰安家又曰晉王諱克用中和三年五月一日自鴈
門節度使拜平章事充河東節度使按克用除河東

及從讜復輔政諸書月日不同舊紀五月除克用七
月從讜赴行在不言入相新紀五月已為相尤誤舊

從讜傳五月十五日離太原又與紀相遠唐年補錄
五月制止褒賞克用朱致東方遠三人制詞鄙俚疑

其非實唐末見聞錄初云六月除河東後復云五月
一日据實錄後唐太祖紀年錄薛居正五代史皆在

七月今從之從黨此年九月為東都留守光啓二年二月方再入相

十月克用取潞州實錄克用表李克脩為節度使於

五代史孟方立傳曰潞人陰乞師於武皇中和三年

十月武皇遣李克脩將兵赴之方立拒戰大敗之由

是連收澤潞二郡乃以克脩為節度使按薛史張全

義傳諸葛爽表全義為澤州刺史爽卒李罕之據澤

州蓋克脩止得潞州澤為河陽所取也

四年二月克用自河中陝度河唐末見聞錄晉王三

黃巢太祖紀年錄正月太祖帥師五萬自澤潞將下

天并關河陽屯萬善乃改轅蒲陝度河薛居正五代

史但云四年春按四月已與巢戰三月十三日發晉

陽似太晚又克用表云昨二月內頗得陳許徐汴書

牒今從舊紀又克用自訴上表云遂從

陝服徑達許田是於蒲陝兩道度兵也

三月楊師立移檄數陳敬瑄罪張散者舊傳中和四

陽師立及下戰師立檄文則云

二月三日自相違今從實錄

五月張歸霸及從弟歸厚降朱全忠崇文院有梁功

人名氏云張歸厚祖興父處讓歸厚中和末與伯季

自寬句相率來投薛居正五代史張歸霸相進言父

實歸厚傳無父祖但云與兄歸霸皆來降

摺梁功臣傳父祖與歸霸不同當是從弟

全忠攻李克用於上源驛梁太祖編遺錄甲戌并帥

迎勞之克用堅請入州內上初止之乃於門外陳設

次舍將安泊之克用不諾因縱蕃騎突入馳至上源

驛既不可遏上乃與之並轡送至驛亭是日晚備宴

宴罷復張樂繼燭而飲克用酒酣使氣廣須樂妓頗

恣無厭之欲又以醜言陵侮於上時蕃將皆被甲胄

以衛克用上既甚不懼遽起圖之遂令都將楊彥洪

行數里以投其衆餘親備數百人皆勦之其後克用至太原以是事表訴于唐帝蒲帥亦繼馳書請上與克用和解上終不釋憾此乃敬翔飾非今不取實錄甲戌李克用次汴州駐軍近郊朱全忠請館于上源驛乃以腹心三百餘自衛全忠以克用兵從簡少大軍在遠謀害之是夜置酒宴罷以兵圍驛縱火焚之薛若正五代史梁太祖紀曰五月甲戌帝與晉軍振旅歸汴館克用於上源驛既而備搗宴之禮克用乘醉任氣帝不平之是夜命甲士圍而攻之後唐武皇紀曰班師過汴汴帥迎勞於封禪寺請武皇休於府第乃館於上源驛是夜張樂陳宴席武皇酒酣戲諸侍妓與汴帥握手叙破賊事以爲樂汴帥素忌武皇乃與其將楊彥洪密謀竊發攻傳舍按全忠是時兵力尚微天下所與爲敵者非特患克用一人而借使殺之不能併其軍奪其地也蓋克用恃功語或輕慢全忠出於一時之忿耳今從薛史梁紀

六月鄭軍雄斬楊師立出降

張勳者舊傳四年七月云云師立自殺七月三日張鄭一將持師立首級入城降七月七日高僕射上東川句延慶傳曰三年五月

高公進軍東川城下飛檄入城師立自刎七月辛酉師立首級至成都實錄六月丙申高仁厚奏東川都將鄭君雄梟斬楊師立傳首於行在是日詔以仁厚爲東川節度使續寶運錄二月梓州觀察使楊師立反敕差蜀將高仁厚等討平六月三日收得梓州并楊師立首級至駕前新紀七月辛酉揚師立伏誅今日從續寶運錄事從實錄

林言斬黃巢

續寶運錄曰尚讓降徐州黃巢走至碣山路被諸軍赴逼甚乃謂外甥朱彥之

云云外甥再三不忍下手黃巢乃自刎過與外甥外甥將至路被沙陘博野奪却兼外甥首級一時送到都統軍中舊紀七月癸酉賊將林言斬黃巢黃揆黃秉三人首級降舊傳巢入泰山徐帥時溥遣將張友與尚讓之衆掩捕之至狼虎谷巢將林言斬巢及二弟鄴揆等七人首并妻子函送徐州新紀七月壬午黃巢伏誅新傳巢計感謂林言曰汝取吾首獻天子可得富貴母爲它人利言巢甥也不忍巢乃自刎不殊言因斬之函首將詣時溥而太原傳野軍殺言與巢首俱上今從新傳

七月壬午戮巢姬妾張彰耆舊傳中和三年五月二十日北路軍前進到黃巢首級

妻男今不取其年月而取其事

八月李克用請麟州隸河東新方鎮表中和二年河東節度增領麟州誤也

今從唐末見聞錄

十一月王建等奔行在實錄九月山南西道節度使

許州晏弘大將王建韓建張造晉暉李師太各率本軍降田令孜以建等楊復光故將薄其賞皆除諸衛

將軍十一月戊午朔建等以軍三千至行在田令孜錄為假子統以舊軍號隨駕五都按建等既降始遣

禁軍討晏弘實錄云九月晏弘棄城去太早十一月又云建等降重復上云賞薄下云為假子自如違新

傳帝還晏弘懼見討引兵走許州王建帥義勇四軍迎帝西縣按帝尚在成都云迎帝西縣亦誤也今月

從實錄事從薛君正五代史韓建王建傳

鹿晏弘陷襄州劉巨容奔成都實錄光啓元年四月蔡賊攻陷襄州劉巨

容死焉新傳晏弘引麾下東出襄鄧宗權遣趙德諲合晏弘兵攻襄州巨容不能守奔成都龍紀元年田

令孜殺之按晏弘中和四年十一月已據許州又巨容所以奔成都以天子在蜀故也今從新傳

周岌棄鎮走晏弘據許州實錄鹿晏弘陷許州殺節度使周岌據其鎮又曰初

晏弘據有興元部將王建等率眾歸行在乃詔禁兵討之晏弘懼弃城歸鄉里周岌聞其至遁去晏弘自

稱留後朝廷因以節旄命之始云殺後云遁去自相違今從其後

十二月鄭鑑表陳巖為福建觀察使實錄七月泉州刺史陳巖逐福

建觀察使鄭鑑自知使務又曰十二月壬寅以巖為福建觀察使巖既逐鑑逼鑑薦已為代朝廷因命之

按巖既逐鑑則鑑不在福州巖安能逼之薦已新王潮傳亦曰黃巢將竊有福州王師不能下建人陳巖

率眾拔之又逐觀察使鄭鑑自領州詔即授刺史按劉恕閩錄黃巢陷閩粵巖聚眾千餘人號九龍軍福

建觀察使鄭鑑奏為團練副使左廂都虞候李連驕慢不法縱其徒為郡人患巖將按誅之連奔谿洞中合眾攻福州巖擊破之鑑表巖自代拜觀察使今從之

山南東道上馮行襲功薛居正五代史行襲傳曰洋州節度使葛佐秦辟為行軍

司馬請將兵鎮谷口通秦蜀道由是益知名新傳曰行襲乘勝逐刺史呂燁據均州劉巨容因表為刺史

武定節度使楊守忠表為行軍司馬使領兵搤谷口以通秦蜀新紀光啓元年四月武當賊馮行襲陷均

州逐刺史呂燁在劉巨容奔成都後行襲傳云巨容以功上言誤也今從薛史

李昌言薨諸書皆無昌言卒年月惟實錄於李昌符傳中云李昌言病請昌符權留後昌言死

詔除節度使按實錄中和三年五月昌言加檢校司徒光啓元年二月昌符始見故以昌言薨附於中和

四年之末

光啓元年正月盧光稠陷虔州稱刺史歐陽脩五代史曰盧光稠

全播皆南康人光稠狀貌雄偉無他材能而全播

其虜部二州十國紀年全播推光稠為之謀主所向克捷光啓初據虔州光稠自稱刺史天復中陷韶

州光稠使其子延昌守之按新紀光啓元年正月光稠陷虔州天復二年陷韶州歐陽脩以為同時取虔韶二州誤也今從新紀

三月秦宗權稱帝舊宗權傳但云巢賊既誅僭稱帝號實錄明年十月襄王即位宗權

已稱帝不從新舊紀皆無之不知宗權以何年月稱帝今因時溥為都統書之

王鎔惡李克用之彊太祖紀年錄薛居正五代史作王景崇誤也今從舊紀

七月常濬上疏論田令孜之黨坐貶死實錄不言今

蕭邁等請誅令孜表云韋昭度無致君許國之心多醜正比頑之迹今孜黨蓋謂昭度也續寶運錄曰七

月三日表入上覽之不悅願謂侍臣曰藩鎮若見此表深為忿恨自此猜間其何何堪至二十八日敕貶

通鑑卷之五十五

濬為萬州司戶疑三日脫謀當為二十三日今從實錄

十月王重榮求救於李克用太祖紀年錄曰朱攻李

指陳利害規畫方略不祐太祖黨庇逆温太祖切怒

引太原其心可見不可處之近輔定州王處存忠孝

盡心請授以蒲帥移重榮於定州天子從之重榮憤

憤不悅告於太祖曰主上新返正大臣播弃此際無

幸遽被斥逐明公當鑑其深心今日使僕安歸會太

祖憤怒朱攻革即報曰當與公提鼓出泥水關誅逆

賊之後則去此鼠輩如疾風之去鴻毛耳重榮曰吾

地迫邠岐公若師出關東二兇必傳吾城下不若先

滅二兇去其君側歐陽脩五代史重榮使人給克用

曰天子詔重榮俟克用至與處存共誅之因偽為詔

書示克用曰此是朱全忠之謀也克用信之按時朝

廷疎忌重榮克用亦知之

恐無是事今從紀年錄

田令孜遣朱攻李昌符討重榮新令孜傳云令孜自

將討重榮帥攻等兵

三萬壁沙苑今從實錄

十二月攻昌符大敗新傳曰克用上書請誅令孜攻

致走還邠州與昌符皆耻為令孜用還與重榮合神

策兵貴克用逼京師令孜計窮乃劫帝夜啓開遠門

前今並因十二月戰沙苑見之

二年正月張郁陷常州皮光業見聞錄曰郁潤州小將也周寶差郁握兵士三百

人戍於海次因正旦酗酒殺使府安慰軍將度不免

禍遂作亂潤州差拓跋從領兵討之郁自常熟縣取

江陰而入常州刺史劉革到任方三月親執牌印於

戎門而降新紀曰正月辛巳郁陷常州按皮錄但言

郁以正旦殺安慰軍將耳非當日即陷常州新紀誤也

上發寶雞王建前驅毛文錫王建紀事云光啓二年

亥朱玫遣兵攻逼行在庚申陷虢縣三月甲午將移

幸梁洋以上為清道斬所使戊戌邠師至石鼻巳亥

石鼻不守庚子寇逼寶雞辛丑車駕南引今但取其事不取其月日

三月鄭從謹守太傅兼侍中新宰相表從謹入三公門不為真相按新傳拜

司空復秉政進太傅兼侍中從至

興元以太子太保還第新表誤也

丙申車駕至興元皮光業見聞錄正月乙酉車駕次

二月辛亥朱玫將踏跌師瑀通行在破楊晟於潘氏

庚申陷虢縣三月甲午僖宗將移幸梁洋戊戌邠師

至石鼻巳亥石鼻不守庚子寇逼寶雞辛丑車駕南

引四月庚申達褒中舊紀正月戊子田令孜迫乘輿

幸興元庚寅次寶雞癸巳朱玫至鳳翔今攷聞邠軍

至奉帝入散關三月丙申車駕至興元唐年補錄三

月十七日車駕至興元即丙申也實錄正月乙酉車

駕次寶雞戊子癸巳二月丙申與舊紀同新紀正月

戊子如興元癸巳朱玫叛寇鳳翔三月丙申次興元

諸書月日不同如此若依新舊紀實錄則離寶雞六

十四日乃至興元以太緩若依紀事則寶雞危逼之

地車駕留彼八日山南容有六十餘日之久至

自他道崎嶇至山南容有六十餘日之久至

於留寶雞八日必無此理今從新舊紀

陳敬瑄殺高仁厚張彭耆舊傳不言仁厚所終惟數

又云高僕射權謀智勇累有大功於太師又極忠孝

若在王司徒不過梓潼昭宗實錄文德元年八月仁

厚楊師立羅元杲王師本俱贈官云皆先朝以疑似

獲罪今從新紀新傳參以二書自它仁厚事更無所見

有監言星三五

四月朱玫自兼左右神策十軍使實錄玫自補大丞相按唐無此官又

下五月玫自加侍中蓋唐末著小說者謂平章事或侍中為大丞相耳實錄因其文而誤也

田令孜自除西川監軍舊紀實錄皆云二月以令孜為西川監軍舊傳云令孜懼

引楊復恭代已從幸梁州求為西川監軍新傳云令孜留不去及帝病乃赴成都表解官求醫蓋取張歆

之說耳按王建紀事四月庚申達褒中令孜以罪豐貫盈且慮禍及於是自授西川監軍使以避指斥復

規與敬瑄為巢窟今從之

五月蓋寓說李克用誅朱玫實錄楊復恭兄弟於李

衡之舊乃奏遣崇望齋詔宣諭兼達復恭之意重榮克用皆聽命按後唐太祖紀年錄偽使至太原太祖

詰其事狀曰皆朱玫所為將斬之以徇大將蓋寓等言云云太祖燔偽詔械其使馳檄喻諸鎮曰今月二

十日得襄王偽詔及朱玫文字云田令孜脅遷鑿駕播越至蒼黃而晏駕不

知殺逆者何人未念丕基不可無主昨四鎮藩后推朕纂承已於正殿受冊畢改元大赦者李煜出自贅

疣名汗藩邸智昏菽麥識昧機權李符虜之以塞辭朱攻賣之以為利呂不韋之奇貨可見茲邪蕭世誠

之士囊期於匪夕近者當道徑差健步奉表起居行朝見駐已梁宿衛比無騷動而朱玫脅其孤駭自號

台衡敢首亂階明言晏駕或感藩鎮凌弱廟朝云云按舊復恭崇望傳及諸家五代史亦不言克用因復

恭崇望而推戴僖宗今不取又於時煜未即位改元偽詔亦恐非也編遺錄二年春正月壬午唐室有襄

王之亂僖帝駐蹕梁洋襄王遂下偽命以檢校太傅令邵吏左環賫所授偽官告一通左環至具事以聞

上怒切責環將加其罪久乃赦之遂令焚毀於庭按正月朱玫未立襄王編遺錄亦誤也今從薛居正五

代史
六月鎮海牙將丁從實襲常州新紀武寧軍將丁從實陷常州今從皮氏

見聞
錄

八月王潮殺廖彥若

新紀八月王潮陷泉州刺史劉彥若死之按諸書皆云廖彥若

新紀作劉忠誤

十月董昌遣錢鏐取越州

實錄辛未以杭州刺史董昌為浙東觀察使按此年

十一月鏐始拔越州十二月擒漢宏鏐始自稱知浙東軍府事實錄誤也

李克脩攻邢州不克

太祖紀年錄邢人出戰又敗之孟方立求救於鎮州王鎔出兵

三萬赴援我軍乃退舊鎔傳是時天子蒙塵九有羨沸河東李克用虎視山東方謀吞據鎔以重賂結納

以修和好晉軍討孟方立於邢州鎔常奉以芻糧

十一月丙戌劉漢宏奔台州

實錄漢宏被殺在董昌除浙東前據范垵吳越

備史漢宏敗走至十月死皆有日今從之

朱全忠取滑州虜安師儒

實錄告於行在命全忠兼領義成節度使按大順元年

始以全忠兼宣義節度使全忠猶難以授胡真此際未也實錄誤

十二月杜雄執劉漢宏

十國紀年十二月丙午杜雄執漢宏按十二月丙子朔無

丙午紀年誤

壽州刺史張翱

妖亂志作張敖吳錄作張敖今從十國紀年

朱瑾逐齊克讓

薛居正五代史云虜克讓今從舊傳

三年二月田令孜流端州不行

實錄載敕曰令孜雖已削奪在身官爵宜

剝服已配端州長流百姓新傳曰削官爵流儋州然猶依敬瑄不行張彭耆舊傳曰大駕廣明二年春孟

到蜀叟嘗接識比司諸官子弟有光啓門承旨似先大夫為叟言去年黃巢凌犯聖上蒼忙就路諸王多

是徒行壽王至斜谷行不得襪一足跣一足偃卧磻石上田軍容在後收拾驅壽王壽王起告軍容行不

得與箇馬騎軍容云山谷間何處得馬以鞭一扶之令行雖回首無言衷心深銜此恨爾後經今八年僖

宗皇帝在寶雞行宮寢疾月餘彌留臣下皆知不起于疾內外屬望在於壽王壽王行孝大度弘寬有斷眾所歸心軍容聞大恐就御寢問識臣否帝目瞪不語軍容大驚尋時矯制除西川監軍使仍馳驛赴任遂將拱宸奉鑾兩都自衛星夜倍程軍容才到西川僖宗已崩國朝果冊壽王登極皇帝位於是積年怨恨今日遂其志矣新令致傳取之據實錄今夜光啓二年為西川監軍此月流端州在昭宗即位前自為楊復恭所擯耳十國紀年曰三月僖宗東還詔流令致儋州敬瑄端州皆拒朝命此據張叡耆舊傳致誤耳今從實錄

李國昌薨

薛君正五代史武皇紀國昌中和三年薨唐末見聞錄中和三年十月老司徒薨舊書中和三年十月國昌卒後唐獻祖紀年錄光啓中薨於位新沙陀傳光啓三年國昌卒太祖紀年錄光啓三年正月云是歲獻祖文皇帝之喪太祖哀毀行服不獲專征實錄置此年二月今從之

三月癸巳鎮海軍逐周寶

實錄寶被逐在四月恐四月約奏到耳吳越備史三

月壬辰新紀癸巳今從之

四月徐約逐張雄

吳越備史四月六合鎮將徐約攻陷蘇州約曹州人也初從黃巢攻

天長遂歸高駢用為六合鎮將浙西周寶子婿楊茂實為蘇州刺史約攻破之遂有其地據實錄寶以其婿為蘇州刺史朝廷已除趙載代之張雄據蘇州必在載後備史恐誤今從新紀傳

高郵鎮遏使張神劍

十國紀年張雄淮南人善劍號張神劍今欲別於前蘇州刺史

張雄故從妖亂志但稱神劍

朱全忠襲殺盧塘

薛君正五代史云四月庚午按長曆四月甲辰朔無庚午薛史誤

楊行密借兵於和州刺史孫端

妖亂志中和三年高駢差梁纘知和州纘

以孫端窺伺和州已久不如因而與之以責其効駢強之既行果為端所敗及歸和州尋陷於端蓋端自是遂據和州也

五月戊戌行密抵黃陵秦彥城守妖亂志六月癸卯朝秦彥令鄜漢障

等守諸門按寇至城下即應城守豈有

李克用遣安金俊助李罕之張全義太祖紀年錄七月癸巳澤州刺

史張全義棄城而遁太祖以安金俊為澤州刺史薛

實錄六月全義已除河南尹薛史罕之傳罕之未授

克用遣澤州刺史安金俊助之蓋二人先以澤州賂

七月也

表全義為河南尹薛居正五代史克用表張言為河

李罕之為河陽節度使懷州刺史張全義為河南尹

按諸葛爽表全義為澤州刺史及仲方敗罕之據澤

州全義據懷州

非刺史也

八月朱全忠誣朱瑄招誘宣武軍士編遺錄八月丙午都指揮使未

以諸都將士日有逃逸者初未曉其端今乃知為

帥朱瑄因前年與我師會合討伐蔡寇睹將士驍

勇潛有窺覬之心密於境上懸金帛招誘如至者皆

厚而納焉積口既多上察之且不平是事因移文追

索亡者朱瑄來言不遜上益怒其欺罔乃議舉兵伐

之新傳全忠與朱瑄情好篤密而內忌其雄且所據

皆勁兵地欲造怨乃圖之即聲言瑄納汴亡命移書

讓瑄以新有恩於全忠故答檄志望全忠由是顯結

其隙高若拙後史補曰梁太祖皇帝到梁園深有大

志然兵力不足常欲外掠又虞四境之難每有鬱然

通鑑卷之三十三

三

通鑑卷之三十三

百

十一月敬翔佐朱全忠

薛居正五代史翔傳曰翔每

仰顧步間微示持疑爾而太祖已察必改行之故裨佐之迹人莫得知按張昭遠莊宗列傳曰温佻請多謀人不測其際惟翔視彼舉錯即揣知其心或有所不備因為之助温大悅自以得翔之晚故軍謀政術一切諮之

薛史誤

全忠兼淮南節度使

舊紀十一月秦彥引孫儒之兵攻廣陵行密遣使求援于朱全

忠制授全忠兼淮南節度使行營兵馬都統薛居正五代史梁太祖紀朝廷就加帝兼領淮南節度在八月十國紀年曰初僖宗聞淮南亂以朱全忠兼淮南節度使至是行密遣使以破賊告全忠在十月行密初入揚州時

今從實錄

王建攻成都

始建宿衛之時嘗領壁州刺史光啓二年四月已出為利州刺史而舊紀薛居

正五代史實錄新紀皆云以壁州刺史攻成都誤也張散者舊傳曰光啓四年戊申十月十日田軍容除

西川監軍使此月到十一月一日僖宗皇帝晏駕昭宗即位改文德元年文德二年已酉太師有除未下

聞朝廷降使三軍百姓僧道詣驛就使車訢論二十
年鐵券有一人驛亭截耳時有微雨卧踞於泥天使
視之無言良久曰不必不必索馬揮鞭便發太師軍
容專差親信於人衆中探使有何言既聞二人神色
俱喪乃理兵講武史創置三都黃頭都以親密者管
之諸軍頗閱隊十月探知朝廷除宰相公授西川節
度使已宣麻軍容甚有懼色乃以書召閬州王司徒
計其過綿州即出兵拒之令其怒怒必攻諸州所在
發兵交戰此是軍容計恐宰相公來交代以兵隔之
言王司徒來侵我我所舉兵蓋與王氏相敵欲遮其
反名十二月二十日驛人上城一更出兵數千人排
於城外北面堤上二十一日王司徒大軍已至城下
於城北街去來鬪數合已時川軍被一時築過橋堤
上排者大走並收入城至暮王司徒收軍宿七里亭
二十二日早又進軍逼城至午又退止七里亭二十
三日早引軍入新繁蒙陽諸縣界城內出軍日有相
持此年十二月改元龍紀元年已酉二月二十五日
大戰三郊乃各下數寨相守所至縣邑大遭焚燒戶

口逃竄十國紀年曰王建起兵攻成都諸書歲月不同蓋建事成之後其徒以擅舉兵侵盜為耻為之隱惡襲據閬州多言除移尤諱光啓末寇西川攻陳敬瑄事或移在文德年韋昭度鎮蜀敬瑄不受代後或云朝廷削奪敬瑄官爵建始會昭度討伐皆若受命勒王師故李吳蜀書毛文錫紀事張散錦里耆舊傳楊堪平蜀德政碑吳融生祠堂碑馮洵大聽壁記收復邛州壁記皆當是時撰錄而自相抵牾吳融云歲在作噩之年相國韋公奉命代蜀又云聖上即位之明年詔大丞相韋公鎮蜀起兵屬丞相以討不庭尋拜公未平節度兼都指揮使今按舊信宗紀光啓三年十二月東川顧彥朗壘州刺史王建連兵五萬攻成都陳敬瑄告難于朝詔中使諭之唐年補錄光啓三年十二月以西川陳敬瑄東川顧彥朗相持詔李茂貞移書和解與唐莊宗功臣列傳唐列祖實錄五代史王建傳莊宗實錄范質五代通錄王衍傳所載略同韋昭度以文德元年六月始除西川節度使十月至成都陳敬瑄不受代昭度表敬瑄叛十二月丁亥除昭度招討使王建未平節度使據長曆是年十二月甲子朔丁亥二十四日也龍紀元年丁酉歲

正月詔命始至成都吳融據昭度受招討使歲月故云作噩之年伐蜀是歲乃昭宗即位之明年韋公鎮蜀在前一年蓋融誤以伐蜀為鎮蜀耳舊紀云文德元年六月以韋昭度為西川節度兩川招撫制置使新書昭宗本紀文德元年十月陳敬瑄反十二月丁亥韋昭度為招討使皆是也而舊紀誤云龍紀元年正月除昭度東都留守五月王建陷成都自稱留後新書陳敬瑄傳全用張彭耆舊傳云先除昭度節度使然後田令孜召建以限朝廷與本紀及韋昭度傳自相違戾最為差謬張彭對言年僅八十追記為兒童以來平生見聞為耆舊傳故其叙事鄙俚倒錯與舊史年月不相符合今從五代史王建傳及新紀文德元年六月王建陷漢州執刺史張頊實錄龍紀元年正月建破鹿頭關張頊來拒戰敗之按光啓三年十二月韋昭度討陳敬瑄以漢州刺史顧彥朗為軍前指揮使蓋其年冬建破漢州顧彥朗即以彥暉為刺史新紀實錄皆誤今從十國紀年

十二月

長曆閏十一月庚子朔十二月己巳朔新舊紀閏月無事不見新紀十二月癸巳在此月

是亦以十一月為閏妖亂志有後十一月十國紀年亦閏十一月惟薛居正五代史梁紀十一月後有閏月實錄閏十二月庚午朔今不取

周寶卒 吳越備史寶病卒實錄鏐迎至部氣憤卒於幃亭驛新紀十月丁卯鏐殺周寶十國紀年此

月乙未寶卒或云鏐殺之新傳云鏐迎寶舍幃亭未幾殺之今從吳越備史

錢鏐克潤州 吳越備史明年正月丙寅克潤州斬薛朗按朗斬於杭州必不同在一日今從

十國紀年

文德元年正月朱全忠為蔡州都統 新紀正月癸亥全忠為蔡州都

統編遺錄二月癸未上以時溥阻我兼鎮其事奏聞丙戌上奉唐帝正月二十五日制命授蔡州四面行營都統則丙戌乃全忠受諾之日實錄薛居正五代史皆云二月丙戌因此而誤也舊紀五月丁酉朔制以全忠為蔡州都統月日尤誤今從編遺錄新紀

丙寅錢鏐斬薛朗 新紀丙寅薛朗伏誅鏐陷潤州國紀年丁巳斬朗今從吳越備史

二月魏博牙兵逐樂彥禎 舊傳彥禎危懼而卒實錄興寺軍衆迫令為僧舊紀魏博軍亂逐彥禎若卒不應云逐今從實錄

三月日食既 舊紀僖宗百僚上徽號曰聖文睿德光武弘孝皇帝三月戊戌朔御正殿受冊

昭宗紀大順元年正月戊子朔百僚上徽號曰聖文睿德光武弘孝皇帝豈有二帝徽號正同今從新紀止是昭宗尊號

立壽王傑為皇太弟 唐年補錄僖宗御礮後不豫暴崩楊復恭等祕喪不發時十六

宅諸王從行乃於六宅中推帝為監國帝之上有盛王儀王皆懿宗之子帝居六宅之第三人舊紀羣臣

以吉王最賢又在壽王之上將立之惟楊復恭請以壽王監國按昭宗懿宗第七子吉王保第六新舊傳

懿宗八子無盛王儀王今從舊紀

朱全忠遣朱珍等救樂從訓薛居正五代史珍傳曰

萬餘人按珍往救從訓而云敗從訓誤也葛從周傳

日從太祖渡河拔黎陽李固臨河等鎮至內黃破魏

軍萬餘衆据薛史紀傳皆云太祖遣朱珍

等救從訓獨從周傳云從太祖恐誤也

四月孫儒陷揚州實錄儒陷揚州在五月恐是約奏

紀云戊辰妖亂志云四月癸未朔甲申儒陷揚州

吳錄十國紀年無日但云四月今從舊紀紀年

資治通鑑考異卷第二十五

資治通鑑考異卷第二十六

唐紀十八

昭宗龍紀元年正月癸巳朔赦改元唐年補錄曰正

一年為龍紀元年百寮上帝徽號曰聖文睿德光武

弘孝皇帝新舊紀實錄明年正月乃上尊號補錄誤

也舊紀又云以劍南西川節度兩川招撫制置使韋

昭度為東都留守按照昭度大順二年乃為留守舊紀

誤也今皆從實錄

郭璠殺申叢送秦宗權於汴實錄申叢裴涉欲復立

之斬叢涉以宗權送汴州薛居正五代史初申叢縛

宗權折足而囚之雖納款於太祖欲自獻於長安以

邀旌鉞及姦謀不就乃欲復奉宗權以接取其柄為

其將郭璠所殺繫宗權送于太祖即以璠為留後太

祖遣都統判官韋震奏事且疏時溥之罪願委討伐

仍請降滄充二帥之命按全忠若自求兼領滄充二

鎮則明年朝廷命兼領滑州全忠猶辭不受今豈敢
遽求滄充邪若為滄充二帥求之則充帥朱瑾乃仇
讎也當時不知全忠欲以何人為滄帥諸書皆無其
名薛史實錄皆云申叢欲復立宗權按叢折宗權足
而囚之豈有復奉為帥之理蓋郭璠欲奪其功誣之
云爾新舊紀五代紀傳皆云郭璠殺申叢實錄云李
璠誤也李璠乃
權送宗權者

二月斬宗權舊紀二月己丑汴州行軍司馬李璠監
送秦宗權并妻趙氏以獻斬於獨柳實
錄二月全忠獻宗權斬於獨柳新紀二月戊辰朱全
忠俘宗權以獻己丑宗權伏誅按宗權正月離汴不
應二月始至長安戊辰獻俘不應
至己丑始伏誅故但云二月

三月朱全忠兼中書令舊紀在四月封東平郡王薛
居正五代史在三月亦云封

東平令從實錄
止加中書令

趙昶為忠武節度使薛居正五代史趙彘傳曰文德
元年蔡州平朝廷議勳彘檢校

司徒充秦寧軍節度使又改換浙西節度使不離宛
丘兼領二鎮龍紀元年三月又以平巢蔡功就加平
章事充忠武軍節度使仍以陳州為理所彘一日念
弟昶共立軍功乃下令盡以軍州事付於昶遂上表
乞骸後數月寢疾卒昶傳曰彘遙領秦寧軍節度使
以昶為本州刺史俄而彘有疾遂以軍州盡付於昶
詔授兵馬留後旋遷忠武軍節度使亦以陳州為理
所時宗權未滅陳蔡封疆相接昶每選精銳深入蔡
境蔡賊雖衆終不能抗以至宗權敗焉上云蔡州平
以彘為忠武節度使下云昶為節度使時宗權未滅
自相違令
從彘傳

六月李克用攻邢州孟方立飲藥死弟遷為留後實錄

克用以弟克脩守潞遣澤州刺史安金後討方立方
立因結諸鎮救援其將奚忠信攻遼州克用復遣李
罕之等急攻方立將馬漑出戰為罕之所擒漑謂曰
欲圖邢州當先取磁州及并師圍磁州方立與奚忠
信率兵大戰軍敗陷磁州而方立單騎還邢州忠信
死焉方立愧之乃自圖罕之軍二其弟遷求援汴州

朱全忠遣王虔裕赴之鎮州王鎔遣克用書和解而退唐年補錄方立有謀將石元佐為安金俊所獲金俊問之元佐請攻磁州破奚忠信金俊乃殺之方立果與忠信引兵入磁金俊與之戰大敗忠信死方立單騎入邢州愧見父老遂自裁薛居正五代史方立傳六月李存孝下洛磁兩郡方立遣馬瀼表奏韜奉韜初方立性苛急恩不逮下攻圍累旬夜自巡城慰諭守陴者皆倨方立知其不可乃欲酖而卒其從弟洛州刺史遷素得士心眾乃推為留後求援于汴時梁祖方攻時溥援兵不出按李罕之攻下磁州進攻名州乃禽馬瀼實錄云瀼為罕之謀取磁州蓋誤以石元佐為瀼也又奚忠信去年已為李克脩所擒乃云與方立率兵大戰亦誤也舊紀六月邢洛節度使孟方立率三軍推其弟洛州刺史遷為留後李克用出軍攻之新紀六月李克用寇邢州昭義軍節度使孟方立率其弟遷自稱留後按唐年補錄載王鎔奏得邢洛大將等狀以孟方立奄辭昭代三軍百姓同以親弟攝洛州刺史遷權知兵馬留後事及新舊紀實錄薛史方立傳皆云立其弟遷惟太祖紀年錄及薛史武皇紀云立其姪遷恐誤今從諸書

十一月宦官始服劔佩侍祠按田令孜楊復恭雖威權震主官不過金吾衛

上將軍則其餘宦官必卑矣但諸書不見當時宦官所欲衣者何品秩之禮服也

大順元年正月李克用取邢州唐末見聞錄龍紀元年大軍守破邢州城

孟遷投來拜李存孝為邢州刺史十一月四日孟遷補充教練使太祖紀年錄及薛居正五代史太祖紀

皆曰大順元年李存孝攻邢州急邢帥孟遷以邢洛磁三州歸于我執朱溫之將王虔裕等三百人以獻

而無月太祖紀年錄又曰太祖徙孟遷於太原以大將安金俊為邢洛團練使薛史孟遷傳曰大順元年

二月遷執王虔裕等乞降武皇今安金俊代之今從實錄薛史虔裕傳曰時太祖大軍方討兗鄆未及救

援邢人困而携貳遷乃繫虔裕送于太原尋為所殺按是時全忠方攻時溥未討兗鄆也虔裕傳誤

二月克用攻雲州安金俊死實錄四月丙辰朔李克用遣安金俊率師攻雲

州赫連鐸求援於幽州李匡威匡威出師赴之戰于蔚州太原府軍大敗燕師執金俊獻于朝據太祖紀年錄攻雲州在三月舊紀實錄皆在四月恐是約奏到然紀年錄不言克用敗蓋諱之也今從唐末見聞錄又紀年錄唐末見聞錄皆云金俊戰死實錄云執獻之亦誤

克用巡潞州管李克脩太祖紀年錄太祖遣李罕之師由上黨而歸克脩性吝嗇太祖左右徵賂於克脩旬日間費數十萬尚以為供張不豐倚其事管克脩而歸太原俄而克脩憤取寢疾薛史克脩傳曰龍紀元年武皇大舉以伐邢洛及班師因撫封於上黨按

太祖紀但遣罕之存孝攻邢州不云親行蓋罕之存孝圍邢州克用但以大軍屯境上為之聲援至十月先還罕之存孝猶圍邢州故正月孟遷降也

四月時溥掠碭山朱友裕擊之鄒象梁太祖實錄前卯溥出兵按長曆乙卯三月晦日實錄誤也

張濬與楊復恭有隙上親倚之舊傳再幸山南復恭知政事昭宗初在藩邸深嫉宦官復恭有援立大勳恃恩任事上心不平之當時趨向者多言濬有方略能畫大計復用為宰相判度支据舊紀實錄新紀表

濬自光啓三年九月拜平章事至大順二年兵敗坐貶中間未嘗罷免舊傳誤也今從新傳

濬請討李克用舊濬傳曰會朱全忠誅秦宗權安居匡威雲州赫連鐸等奏請出軍討太原按時安居受

未殺李克恭舊傳誤也太祖紀年錄曰太祖中和破賊時濬為諫議大夫出軍判官常以虛誕誘太祖太祖薄其為人及聞濬入中書太祖嘗私於詔使曰張公傾覆之士先帝知其為人不至大任王上付之重位必亂天下濬知之陰銜太祖按濬自信宗時為宰相紀

五月馮霸叛李元審擊之元審與霸同部送後院將霸所以能獨叛而元審所

以得不死者蓋後院將有叛有不叛者叛者從
霸不叛者從元審故克用益元審兵使討霸也

安居受殺李克恭附于朱全忠

編遺錄八月甲寅馮霸殺李克恭來降上

請河陽帥朱崇節領兵入潞兼充留後戊辰李克用
圍之上遣葛從周率曉勇夜衝枚破圍突入上黨以
壯潞人之心薛居正五代史梁太祖紀亦同按克用
未嘗自圍潞也克恭傳李元審戰傷收軍於潞五月
十五日克恭視元審於孔目吏劉崇之弟是日州縣
將安居受引兵攻克恭克恭元審並遇害州民推居
受為留後居受遣人召馮霸於沁水霸不受命居受
懼將奔歸朝廷至長子為野人所殺傳首馮霸軍霸
乃引眾據潞州自稱留後求援於武皇今康君立
討之汴將葛從周來援霸唐末身聞錄曰五月十七
日昭義狀申軍變殺節使當日黠汾州五縣國將
兵赴昭義二十三日昭義僕射家累入府新紀五月
壬寅安居受殺李克恭按壬寅十七日乃報到太原
日也今從太祖紀年錄薛史克恭傳舊紀五月丙午
潞州軍亂殺李克恭監軍使薛績本函克恭首獻之
于朝藩方起兵朝廷稱賀此蓋克恭首到日也舊紀

又曰七月全忠遣從周帥千騎入潞州唐太祖紀年
錄薛史唐紀五月葛從周入潞太早蓋因克恭死終
言之編遺錄薛史梁紀八月克恭死太晚蓋因從周
入潞推本之又從周入潞全忠始請孫揆赴鎮當在
揆被執前也今克恭死從
紀年錄從周入潞從舊紀

七月官軍至陰地關

舊紀七月乙酉朔王師屯于陰地太原大將康君立以兵拒戰

按君立時圍潞州何暇至陰地關又不言勝負今不取

葛從周入潞州

舊紀實錄皆云從周權知留後又亦人圍澤州呼李罕之云葛司空已入

潞府李存孝圍潞州呼城上人云葛僕射可歸大梁
似從周實為留後也然薛居正五代史梁太祖紀云
帝請河陽節度使朱崇節為潞州留後實錄明年五
月以前昭義節度使朱崇節為河陽節度使按河陽
自解張全義圍以來常附屬於朱全忠以部將丁
會張宗厚等為之留後非一人崇節蓋亦汴將為河
陽留後全忠使權昭義留後既不能守復歸河陽耳
諸書因謂之節度使蓋誤也從周但與崇節共守潞

州以其名著故外人但稱從周不數崇節也

朱全忠遣兵攻李罕之援葛從周

編遺錄八月遣從周入上黨九月

寅上往河陽令李讜救應朱崇節又命朱友裕張全義簡精銳過山於澤州北應接取崇節從周以歸薛居正五代史梁太祖紀九月壬寅上至河陽遣李讜引軍趨澤路為晉人所敗帝又遣朱友裕張全義率精兵至澤州北以為應援既而崇節從周奔潞來歸戊申帝斬李重喬遂班師按讜等初圍澤州時語城上人云張相公圍太原葛司空已入潞府是當時南兵方盛非孫揆就擒從周奔潞州之後也故置於此

九月全忠斬李讜本十重胤而還

唐太祖紀年錄六月朱崇節葛從周據潞

州李重胤鄧季筠張全義將兵七萬攻澤州李存孝將三千騎赴援初汴軍攻城門呼罕之云云李存孝憤其言引鐵騎五百追擊入季筠營門生獲其都將十數是夜汴將李讜收軍而遁存孝罕之追擊至馬牢山斬首萬級追讜掩擊至於懷州而還存孝復引軍攻潞州九月二日葛從周率眾奔城而遁唐末

聞錄閏九月昭義軍前狀申昭義軍人拔城逃遁收下城池擒獲到餘黨五十人中縛送至上至二十日行營都指揮使李存孝迴戈歸府薛居正五代史梁太祖紀九月壬寅帝至河陽遣李讜引軍趨澤路行至馬牢山為晉人所敗帝又遣朱友裕張全義率精兵至澤州北以為應援既而崇節從周奔潞來歸戊申帝廷責諸將敗軍之罪斬李重胤以徇遂班師焉實錄九月甲申朔康君立急攻潞州朱全忠駐河陽遣李讜引軍趨澤路至馬牢山川與并師大戰不利鄧季筠被執復遣朱友裕張全義至澤州北應援葛從周朱崇節率眾奔潞州歸按六月李存孝若已破李讜追至懷州懷州去河陽止一程豈得九月方到河陽讜之敗必在九月戊申前一兩日也蓋紀年錄因從周據潞州事終言之九月甲申朔十九日壬寅二十五日戊申若全忠至河陽始遣讜等趣澤路既敗而從周等奔潞來歸七日之間豈容許事蓋薛史因謹敗追本前事耳若九月二日從周已奔潞州何得承紀年錄而誤也今全忠往來月日從薛史事則兼采諸書

李克用敗李匡威赫連鐸太祖紀年錄是月幽帥李

戛斯之衆十萬寇我北鄙攻遼虜軍太祖御親軍出

塞營於渾河川之田村李存孝引前鋒與賊戰於樂

安鎮賊軍大敗遁走舊紀九月幽州雲州蕃漢兵三

萬攻鴈門太原府將李存信薛阿檀擊敗之實錄問

月甲寅朔幽州李匡威下蔚州克用援兵至匡威大

敗赫連鐸引吐蕃黠戛斯之衆文慶虜軍克用營軍

河川戰於樂安鎮破之鐸乃退軍此蓋約奏到日唐

未見聞錄十一月十五日發往向北行紀有使報稱

幽州李匡威收却蔚州十六日至十八日旋發諸州

兵士至軍前二十九日大捷有勝曉告殺燕軍三萬

餘人十九日知客押衙苗仲周齎勝到殺得退軍一

千帳二十九日下復云十九日亦誤今但繫此月不

書

閏月孫儒圍蘇州吳錄十一月孫儒攻破皇亭無錫

諸屯遂至蘇州今從吳越備史在

十一月李存孝取晉絳克用上表訟冤實錄十一月

關至汾隰李克用遣將薛阿檀李承嗣拒之李存信

以兵三千營趙城韓建以華州兵戰存信設伏擊

之邠鳳之師未戰而走禁軍自潰由是大敗存信直

壓晉州西門引軍攻絳州十二月壬午朔晉州刺史

張行恭棄城而遁韓建以諸軍保晉州李存信追擊

戰敗退保絳州張濬以汴卒禁軍屯晉州存信攻之

三日濬建拔晉絳遁還存信收二州舊紀克用遣李

存信薛阿檀拒王師于陰地三戰三捷由是河西廊

夏邠岐之軍渡河西歸韓建以諸軍保平陽存信追

之建軍又敗建退保絳州張濬在晉州存信攻之三

孝所敗自是閉壁不出存孝引軍攻絳州李存孝傳
曰十月存孝引收潞之師圍張濬于平陽云云存孝
引軍攻絳州十一月刺史張行恭棄城而去張濬韓
建亦由舍口而遁存孝收晉絳太祖紀年錄十月張
濬之師入陰地關犯汾隰令薛鐵山李承嗣將騎三
千出陰地繼發李存孝將兵五千進擊營於趙城敗
韓建直壓晉州西門自是閉壁不出存孝攻絳州十
二月晉州刺史張行恭棄城遁建濬由舍山路逃遁
遂收晉絳初濬部禁軍至晉州亦鳳之師望風道歸
蓋楊復恭陰沮之也唐末見聞錄曰八月五日相公
差晉州捉到天使問大夫入京奏事兼貢表曰臣某
乙言今月二十六日臣所部南界晉州長寧關使張
承暉等投臣當道齎到宰臣張濬榜一道內稱招討
處置使兼錄到詔曰云陛下削臣屬籍奪臣本官仍
欲會兵討問云云唐補紀曰朱全忠自攻破徐州頻
貢章表克用與朱攻等同立襄王以為大逆其朱攻
以下並已誅鋤克用時最為魁首據其罪狀請舉天
兵臣率師關東犄角相應朝廷遂以宰臣張濬為都
統授崔胤為河中府節度使大軍行到同州
用領番漢馬步稱三十萬入河北界其張濬使人

朱全忠兵馬並不來相應乃於昭義西與太原交戰
不利而回朝廷知為全忠所賣便差使至克用與賞
給令回貶都統張濬於雲夢除崔胤於嶺外薛史李
承嗣傳初大軍入陰地薛志勤與承嗣率騎三千抗
之敗韓建之軍於蒙坑進收晉絳以功授忻州刺史
時鳳翔軍營霍邑承嗣帥一軍收之岐人夜遁追擊
至趙城合大軍攻平陽旬有三日而拔按李存信傳
無攻晉絳事蓋舊紀十月存孝已背太原故此戰皆
云存信實錄因之而誤摭五代紀傳太祖紀年錄當
是存孝又隰州隸河中節度所云入陰地關犯汾隰
者蓋謂汾水之旁下濕曰隰耳又紀年錄實錄以張
行恭為晉州刺史亦誤也今從薛史晉州刺史若已
走則濬建安能保城實錄誤也今從李存孝傳唐補
紀云崔胤為河中節度尤為踈繆自餘諸書參取之
張濬韓建至河陽實錄明年二月云時張濬韓建兵
是方自舍山踰王屋出河清達于河陽河溢無舟楫
建壞民廬舍為木壘數百渡河人多覆溺似太晚今
因濬建走
終言之

十二月孫儒拔蘇州

莊宗列傳揚行密壽州壽春人初據本州秦宗權遣孫儒及行

密同攻陷揚州儒專據之龍紀元年儒出軍攻宣州

行密襲據揚州稱留後北通時溥儒引軍攻之大順

元年行密禦備力竭率眾夜遁出據宣州此說最為

差誤國朝開寶中薛居正修五代史江南未平不

見本國舊史據昭遠所記及唐年補錄作行密傳但

與孫儒同陷揚州餘皆無次敘今按吳錄太祖紀及

高遠唐烈祖實錄行密傳云光啓三年十月秦彥畢

師鐸出奔行密入揚州十一月孫儒圍揚州文德元

年四月儒陷揚州行密奔廬州八月自廬州帥兵攻宣

州龍紀元年六月陷宣州殺趙錕大順二年七月孫

儒再渡江攻宣州景福元年六月執斬儒復歸揚州

且龍紀元年孫儒方彊行密新傳宣州安能襲據揚

州踰年哉近修唐書行密傳全用吳錄事迹乃云儒

進攻行密復入揚州北通時溥杆儒朱全忠遣

龐師古助行密敗於高郵行密懼退還宣州蓋承莊

宗列傳五代史之

誤而不考正也

置昇州以張雄為刺史

新地理志光啓三年以上元

初以上元為昇州授雄刺史吳錄馮弘鐸傳大順元

年復以上元為昇州命弘鐸為刺史按是時雄尚存

今從

雄傳

二年正月李克用復上表詔復其官爵

舊紀太原軍屯晉州克用

遣中使韓歸範還朝因上表訴冤言賊臣張蕃依倚

全忠離間功臣朝廷欲令釋憾下羣臣議其可否左

僕射韋昭度等議云云在十二月按是

時昭度討陳敬瑄舊紀誤今從實錄

三月乙亥復陳敬瑄官爵

新紀二月乙巳赦陳敬瑄

十國紀年亦曰二月乙巳復敬瑄官爵按

二月辛巳朔無己未新紀誤也今從實錄

四月王建表陳敬瑄田令孜不可赦

十國紀年朝議以建不奉詔而

不能制更授西川行營招討制置

使按此命蓋在昭度還朝之後也

韋昭度除東都留守

舊紀龍紀元年正月昭度為東都留守實錄大順二年三月乙亥復陳敬瑄官爵丙子以昭度為東都留守按昭度若已除留守不領西川節度及招討使則便應釋其東歸不應更留在彼縱使留諸軍亦安肯稟服王建亦何必更說之云相公宜早歸廟堂與天子籌之舊傳建誓說昭度奏請還都建以重兵守劍門急攻成都昭度還以檢校司空充東都留守新傳亦同蓋今年三月既復敬瑄官爵但召昭度還朝王建不肯罷兵昭度為所牽率亦同執奏以為敬瑄不可赦既而為建所脅授兵東歸朝廷責其進退失據故左遷留守如新舊傳所云者是也今從之又昭度初圍成都楊守亮為招討副使顧彥朗為行軍司馬王建為都指揮使同在成都城下及昭度東歸時獨建在彼以兵授之不見二人者按三月乙亥詔書但云今彥郎建各歸本鎮則是守亮先已歸也彥朗得此詔必亦歸獨昭度與建留在彼耳然建今東川將唐友通食駱保是彥朗身歸而留兵共攻成都也

七月李克用攻雲州

舊紀實錄皆云克用率兵出并

匡威自率步騎萬餘緩王鎔按大相紀年錄是克用方攻赫連驛既平雲州乃討王鎔實錄蓋因舊紀之誤又紀年錄曰七月太祖進軍至於柳城會赫連鐸力屈食盡奔入吐渾云云實錄云克用遣將急攻雲州蓋以前云克用親討王鎔故也按紀年錄討王鎔在後實錄誤

十月克用攻元氏柏鄉

唐太祖紀年錄曰攻元氏斬首千級進拔雹水攻柏鄉按

雹水屬易州克用方攻鎮州以救易定必不取其地恐誤也

十二月戊子斬李順節

唐補紀景福二年四月十七日夜見掃星長十丈餘承旨

陳匡用奏當有亂臣將入宮內昭宗乳母名曰茶子自即位加夫人象呼曰婆左神策軍天威都軍使胡弘立先是軍中馬騎官巧佞取容朝廷達官多重之楊復恭為軍主與改姓名為楊守節主上每出畋遊經天威軍內其楊守節以檢巧趨附乞與主上為兒既而允從頗生驕縱於是引聖人入堂堂今妻妾對於庭簷或入內中經旬不出致主有撫楹之咎為臣懷通室之非承醉奏云王印金箱兒未曾識望阿郎

略將宣示以慰平生其白婆在側曰此實非凡人得見不用發言於是奏云除此老嫗方應太平從此白婆得罪不見蹤由兩神策軍以其事漸乖必為大禍與諸王商議須急去除於重陽節向樞密院中排宴與入謝恩却出宣化門供奉官似先知袖劍揮之諸王相次揮刃以為醢醢按胡弘立即順節也新舊紀及諸書景福二年皆無此事蓋程匡柔傳聞之誤今日從實錄事則參取諸書

馮行襲為昭信防禦

薛居正五代史行襲破楊守亮兵詔升金州節鎮以戎昭為軍

額即以行襲為節度使按實錄光化元年正月始以昭信防禦使馮行襲為昭信節度使新方鎮表光啓元年升金商都防禦使為節度使是年罷節度置昭信軍防禦使治金州光化元年始升昭信軍防禦使為節度使天祐二年賜號我昭軍薛史誤也

更名涇原曰彰義軍

新表在乾寧元年今從實錄

陳巖卒妻弟范暉為留後

蔣文樸閩中實錄云大順中巖薨十國紀年在大順

二年昭宗實錄在明年三月恐約奏到今從閩中十國紀年又薛史閩中錄閩書皆云范暉巖謚餘書皆云妻弟林仁志王氏啓運一圖載監軍程克諭表云妻弟此最得實今從之

景福元年正月李克用大破幽鎮兵

實錄在二月恐約奏到今從唐

太祖紀年錄

二月朱全忠為朱瑄所敗張歸厚力戰

歸厚傳云十一月誤也今

從梁紀

全忠奏貶趙克裕

實錄在正月末云全忠欲全義得河陽乃奏克裕有誣謗之言而貶

新紀云已未朱全忠陷孟州逐河陽節度使趙克裕今從編遺錄

張訓取常州

新紀景福二年二月楊行密陷常州按行密自宣歸揚過常州已歎張訓之切

新紀誤也今從十國紀年

趙德諱薨實錄此月以前忠義軍節度使趙匡凝起
云匡凝為唐州刺史兼七州馬步軍都校及德諱卒凝
自為襄州留後朝廷即以旄鉞授之亦不言年月今
附於此

三月顧彥暉斬竇行實實錄明年正月楊守厚攻東

實死守厚遁去因李茂貞與王建爭東川追叙今年事耳今從十國紀年

四月楊行密取楚州執劉瓚新紀三月乙巳楊行密

國紀年三月時溥遣兵三萬南侵至楚州四月楊行

密將張訓李德誠敗徐兵於壽河俘斬三千級取楚

州執瓚合從之

六月行密歸揚州十國紀年行密過常州謂左右曰

亦壯哉舊紀大順二年三月淮南節度使孫儒為宣

州觀察使楊行密所殺初行密揚州失守據五州孫

儒亦病為帳下所執降行密行密乃併孫儒之眾復

據廣陵薛居正五代史行密傳曰大順元年行密危

蹙出據宣州儒復入揚州二年儒攻行密屬江淮疾

疫師人多死儒亦卧病為部下所執送於行密殺之

行密自宣城長驅入于廣陵唐補紀大順二年六月

孫儒兵敗於宛陵城下楊行密進首級於西京吳錄

曰景福元年六月六日太祖盡帥諸將晨出擊儒田

頽臨陣擒儒以獻斬儒於市傳首京師新紀實

七月王建圍彭州王先成白七事張彭耆舊傳曰五

步兵士到彭州城下至七月初已經五十餘日諸軍

兵士始到刈麥充糧至七月初麥盡並無顆粒兵士

但托求糧食乃每日遠去入山虜劫逃避百姓有一

軍士本是儒生乃往北面寨說於統帥云云十國紀
年王先成謂王宗侃云云先成上招携七事建皆納
之先成蜀州新津人按十國紀年王建自二月辛丑
遣王宗裕等擊楊晟遂圍彭州又晟遣楊守忠書云
弊邑雖小圍守三年矣而張彭云五月二十日方圍

彭州或者先圍之不克而再往歟彭但云有一軍士而十國紀年姓王名先成不知其本出何書也

李茂貞取鳳興翔薛居正五代史茂貞傳曰大順二年揚復恭得罪奔山南與楊守亮

據興元叛茂貞與王行瑜討平之詔以徐彥若鎮興元茂貞違詔表其假子繼微為留後堅請旄鉞昭宗

不得已而授之自是茂貞始萌問鼎之志既而逐涇原節度使張球洋州節度使楊守忠鳳州刺史蒲存

皆奪據其地云大順二年誤也今從新紀

八月茂貞拔興元舊紀景福元年十一月辛丑鳳翔

守亮前中尉楊復恭判官李巨川突圍而遁十二月辛未華州刺史韓建奏於乾元縣遇興元散兵擊敗

之斬楊守亮楊復恭傳首實錄乾寧元年七月鳳翔

邠寧之衆攻興元陷之楊守亮楊復恭突圍而遁新紀景福元年八月茂貞寇興元守亮伏誅新復恭傳

寧元年七月茂貞攻興元破其城復恭守亮守信奔閬州十國紀年蜀史景福元年十月行瑜茂貞表守亮

招納叛臣請討之感義節度使蒲存救守亮為茂貞所敗奔興元十一月邠岐攻陷興元楊復恭帥守亮

守貞守忠蒲存同奔閬州十二月壬午華洪敗守亮等於州按實錄景福二年正月移茂貞山南於時守

亮不應猶在山南今年月從新紀事則參取諸書

十月李存孝以三州歸朝廷實錄大順元年十月太

自晉州率行營兵據邢州舊紀十一月癸丑朔太原將邢州刺史李存孝自恃擒孫揆功合為昭義帥怒

克用授康君立存孝自晉州率行營兵歸邢州據城上表歸明仍致書與張濬王鎔求援唐末見聞錄十

月二十四日李存孝領兵打晉州遁歸邢州皆叛與宰臣張濬狀曰某自主三郡已近二年又日常思安

知建在此之日歸順朝廷之時四鄰不有保持一家俄受塗炭以此猶豫莫敢申明遂至去年遽絕鄰好

豈是某之情願蓋因李某之指揮又曰自今春戰爭之後實願休罷戈鋌自九月十五日已來曰有李某之人使促令某南面進軍至趙州牽脅李某即上門路入直屈鎮州今月十四日照義軍人百姓等衆請

其權知兵馬留後歸順朝廷大王聞存孝致逆大震
雖威令下先差大將進軍速至邢州仍侯指揮不得
輒有鬪敵但圍小壘專俟大軍据唐太祖紀年錄薛
居正五代史紀傳實錄新紀皆云景福元年十月存
孝叛太原歸朝廷而舊紀唐末見聞錄在大順元年
十月舊紀恐是連言以後事按二年三月安知建方
據太原而此書中已說知建又云自主三郡已近二
年存孝大順二年方為邢州名磁節度至景福元年乃
二年也然則實錄云邢州刺史據邢州亦因舊紀
之誤聞錄所載存孝書蓋與王鎔誤云與張濬也
二年正月移李茂貞於興元徐彥若鎮鳳翔舊紀在
未今從實錄新紀

二月朱友恭本李彥威薛居正五代史高季興傳以友恭為汴之賈人李七郎十國紀年以為壽州賈人友恭傳云彥威非角事太祖今從之

三月以渝州刺史柳玘為廬州刺史新傳云玘坐事貶廬州刺史卒

四月時溥自焚實錄五月汴州奏拔徐州舊紀四月求援于兗州朱瑾出兵救之值大雪糧盡而還汴將王重師牛存節夜乘梯而入溥與妻子登樓自焚而卒景福二年也新紀四月戊子朱全忠陷徐州時溥死之薛居正五代史梁紀丁亥師古下彭門梟溥首以獻唐太祖紀年錄四月澤州李罕之上言懷孟降人報汴將龐師古於今月八日攻陷徐州徐帥時溥舉族皆沒温既下徐方詐請朝廷命帥昭宗乃以其兵部尚書孫儲為徐帥既而温以佞詞斥去自以其將鎮之四月八日蓋河東傳聞之誤今從編遺錄新紀

鎮人殺李匡威實錄殺匡威在五月恐約奏到舊紀六月乙卯幽州李匡威謀害王鎔

州三軍攻匡威殺之舊傳唐太祖紀年錄皆云五月

新紀四月丁亥按匡籌奏云四月十九日是月已巳

通鑑考異卷三十一

朔十九日丁亥也今從之

六月曹誠等四人赴鎮舊紀三月庚子以陳珮為嶺南東道節度使曹誠為黔中

節度使李鋌為鎮海節度使孫惟晟為荆南節度使時朝議以茂貞傲侮王命武臣難制故罷五將之權今從實錄

止是四將

七月張雄卒新紀八月庚子蓋約奏到之日今從十國紀年

八月嗣覃王嗣周按順宗子經封郟王嗣周當是其後會昌後避武宗諱改郟作覃

九月錢鏐為鎮海節度使今年五月以李鋌為鎮海節度使今赴鎮今復除鏐

者按是時安仁義已據潤州又孫惟晟除荆南時成汭已據荆南二人安得赴鎮蓋但欲罷其軍權其實不至鎮而反甲實錄云仍徙鎮海軍額於杭州按吳

越備史是歲鏐初除鎮海節度使猶領潤州刺史至光化元年始移鎮海軍於杭州實錄誤也

覃王嗣周帥禁覃三萬送徐彥若赴鎮舊紀覃王

軍進攻岐陽今從實錄

崔安潛言門戶終為緇郎所壞舊傳亂初拜平章事安潛有此言按安潛

去年季必先時嘗有此言也

十月杜讓能賜死續寶運錄曰大順二年相國杜讓能孔緯值上京類嬰離亂朝綱紊

墜是時徇意諸道扈駕兵五十四都坊坊皆滿兼近藩連帥要行征討便自統軍至如岐陽李茂貞先朝

封為太子本姓宋洋州牧先祖討昭義劉從諫有功子孫爵賞不絕洎壽王登位後遣禮部侍郎薛廷珪

持軍書具禮冊為岐王茂貞先中和年中投判軍容使田令孜作養男姓田名彥賓蓋趨其勢也汴州朱

温先朝冊東平王至今上又遣薛廷珪為禮儀使延王為冊命使封為梁王且岐王與比司人情方治宰

相甚不和睦累表章云臣今駐旆咸陽未敢入中書問罪杜讓能等請寘極瀆表奏上不悅遂詔孔杜二

通鑑卷之三百六

相國令往咸陽謝過及二相到咸陽見岐王戰不能言岐王大怒却令歸中書省過纔到中書上又發遣令祈謝岐王如是往來三度岐王又奏曰二相見臣並不措一言如此曠官有辱聖代請行朝典別選英賢上不樂救罷知政事不得已除孔緯荆南節度杜讓能除河中節三日後貶于嶺表出國門三十里並賜自盡時岐王率驍果五千人住咸陽及

十二月朱瑄朱瑾救齊州編遺錄云十月乙未今從薛居正五代史梁煜

乾寧元年二月鄭祭同平章事舊傳云光化初為

雖有詩名本無廟廟之望嘗典廬州吳王揚行密為本州步奏官因有遺闕而咎責之然其儒懦清慎弘農常重之昭宗時吳王雄據淮海朝廷務行姑息因盛言鄭公之德由是登庸中外驚駭太原兵至渭北天子震恐渴於攘却相國奏對請於文宣王謙號中加一哲字其不究時病率此類也按明年李克用與兵至渭北繁已罷相今從實錄新紀

三月李克用誅李存孝太祖紀年錄先獲亦將鄧

俘供奉官韓歸範皆與存孝連坐同日誅之騎將薛阿檀懼自刺按舊紀克用擒歸範尋遣歸因附表訴窮不聞復往晉陽也薛居正五代史鄧季筠傳後復自耶州逃歸汴紀年錄誤也存孝傳曰武皇出井涇將逼真定存孝面見王鎔陳軍機武皇暴怒誅先獲汴將安康八耳

六月克用殺赫連鐸舊紀六月壬辰克用攻陷雲州

唐太祖紀年錄莊宗列傳薛居正五代史武皇紀皆云大順二年武皇拔雲州鐸奔吐谷渾誤也新紀六

月赫連鐸及李克用戰于雲州死之太祖紀年錄十月討李匡壽師次新城邊兵願從者眾赫連鐸曰義

誠數敗至是窮蹙無歸自繫膝行詣於軍門太祖微數其罪笞而脫之薛史武皇紀吐谷渾傳亦云鐸等

來歸命笞而釋之薛志勤傳云王暉據雲州叛討平之以志勤為大同防禦使與舊紀異唐末見聞錄六

月收雲州處置赫連鐸擒白義誠進軍幽州界巡檢迴府新紀蓋據此今從之

九月克用殺康君立

薛居正五代史李存孝既死武皇深惜之怒諸將無解温者君

立以一言忤旨武皇賜酖而殂唐末見聞錄曰八月三十日相公於左街宅夜飲行劍斫損昭義節度使康君立把送馬步司收禁至九月一日放出尋已身薨薛史賜酖恐是文飾其事

十一月克用圍新州

唐太祖紀年錄十一月壬辰大軍技截寇進收揚門九月戊戌

下武州甲寅攻新州營於西北隅按十一月己未朔無壬辰戊戌甲寅紀年錄誤今從實錄

十二月盧彥威殺李匡壽

唐太祖紀年錄作匡儔今從新舊紀傳實錄

二年二月辛卯董昌即帝位

吳越備史云癸卯昌僭號按會稽錄昌自云應

鬼子之讖欲以二月二日僭號取卯日也而實錄長曆皆云二月己丑朔非當時曆誤即今日曆誤要之昌必以二月辛卯日僭號

昌改元順天

吳越備史曰癸卯昌僭稱皇帝建元順天國號羅平年號或云天冊或云天曆

晉書也羅隱撰吳越行營露布曰羅平者啓國之名順天者建元之始又曰將軍門稱天冊之樓以會府宣室之地明告我其所稱曰權即羅平國位昌狀印文曰順天治國之印十國紀年亦云年號順天會稽錄云天冊蓋誤今從備史

八月李克用釋華州移兵營渭橋

唐太祖紀年錄王師攻華州俄而卻

廷昱至且言茂貞領兵三萬至藍屋行瑜領軍至與平欲往石門迎駕乃解華圍進營渭橋按實錄八月延王戒不至河中克用已發前鋒至渭北已丑克用進營渭橋又紀年錄載詔曰省表已部領大軍前月

二十七日晚河中蓋克用不親圍華州但遣別將將兵往及聞郃岐謀迎駕乃遣華兵詣渭橋即所謂前鋒者也克用既以七月二十七日晚河中則戒不至彼必在其前實錄云八月至河中誤也今從紀年錄

克用遣李存信等攻梨園

莊宗列傳曰三鎮亂長安李存信從太祖入關以前

軍先自夏陽渡河攻同華屬邑下之時太祖在渭北伶官羣小或勸太祖入朝自握兵柄太祖亦以全忠

圖已朝廷不能斷心微有望至月餘不進軍存信與蓋
寓乘間密啓曰大王家世効忠此行討逆止為邪鳳
不臣但令臣節為天下所知即三賊不足平也而悠
悠之徒不達大體或以弗詢之書苟悅台情雖併優
之言不宣縱其如此京師咫尺天聽非遙實無益於
英德也今三凶正感須速圖之事留變生無宜猶豫
太祖曰公言是也即日出師下梨園若按克用謀大
事固非佗官所豫又實錄已丑克用進營渭橋癸巳
克梨園中間四日耳無月餘不進事且既云羣小勸
入朝即當詣行在不當留渭北此特李存信之人欲
歸功於存信耳今不取

克用遣子存勗詣行在

實錄作存貞据後唐實錄薛
居正五代史莊宗未嘗名存

貞實錄

蓋誤

十一月朱瓊降於朱全忠

薛居正五代史梁紀瓊降
及死皆在十月按編遺錄

十一月丁巳瓊遣軍將三百新奉檄
歸義王申瓊自來辛巳死今從之

三年六月汴人擒李克用子落落

唐大祖紀年錄薛
居正五代史武皇

紀實錄擒落落皆在七月葛從周
季存信傳在五月今從梁太祖紀

李茂貞表請勒兵入朝

薛居正五代史五月制授茂
貞東川節度使仍命通王覃

王治禁軍於闕下如茂貞違詔即討之茂貞懼將赴
鎮王師至興平夜自驚潰茂貞因出乘之官軍大敗
唐補紀曰五月朝廷除覃王為鳳翔節度使除茂貞
為興元節度使茂貞拒命不發亦無向闕之心自是
京國人心驚憂出投郊垵京城為之一空上潛謀行
幸按實錄新舊紀諸書茂貞未嘗除東川薛史誤移
鎮興元乃景福二年事
唐補紀誤今從實錄

茂貞逼京畿覃王敗績

舊紀二月茂貞請入觀上令
通王覃王延王分統四軍以

衛近畿丙寅鳳翔軍犯京畿覃王拒之於婁館接戰
不利實錄命延王部神策諸軍於三橋防遏茂貞上
言延王撫兵討臣臣有何罪言將朝觀丙寅李茂貞
大軍犯京師覃王拒之於婁館王師戰不利新紀六

月庚戌李茂貞犯京師嗣延王戒不禦之
丙寅及茂貞戰于婁館敗績今從舊紀

八月朱朴同平章事

舊傳曰朴腐儒木強無他才伎
道士許巖士出入禁中嘗依朴

為姦利從容上前薦朴有經濟才昭宗召見對以經
義甚悅即日拜平章事在中書與名公齒筆札議論
動為笑端唐補紀曰朴亦有文詞託識諸王下吏人
以通意旨言方今宰相皆非時才致令宗社不安頻
有順動若使朴在相位月餘能致太平諸王以為然
乃奏天聽翌日宣喚顧問機宜便入中書令參知政
事諸相座愕然莫測聽其籌謨經四五月並無所聞
遂敗出嶺外按朴雖庸鄙恐不至如舊傳所云唐補
史亦恐得之傳聞
非詳實今從新傳

九月崔胤同平章事

舊傳胤檢校兵部尚書嶺南東
道節度使胤密致書全忠求接

全忠上疏理之胤已至湖南復召平章事新傳昭
緯以罪誅罷為武安節度使陸扆當國時南北司各
樹黨結藩鎮胤素厚朱全忠委心結之全忠為言胤
有功不宜處外故還相而逐扆按胤出為清海節度

使在後非比年舊
傳誤今從實錄

貶陸扆硤州刺史

舊傳曰九月覃王率師送徐彥若
扆鳳翔帥之起也扆堅請曰播越

之後國步初集不宜與近輔交惡必為他盜所窺加
以親王統兵物議騰口無益於事祇貽後患昭宗已
發兵怒扆沮議是月十九日責授硤州刺史師出果
敗車駕出幸按此乃景福二年扆讓能討鳳翔事時
扆未為相舊傳誤新
傳亦同今從實錄

十月丁巳韓建兼把截使

李巨州許國公勤王錄十
月十日敕命公權知京兆

尹并充把截使實錄作癸丑
是月戊申朔今從勤王錄

李茂貞獻助修宮室錢

舊紀實錄皆云茂貞進錢十
五萬助修京闕按十五萬乃

百五十貫太少
蓋脫貫字耳

十一月李師悅卒子彥徽知州事

實錄乾寧二年四
月忠國節度使李

師悅卒以其孫彥徽知留
後今從新紀十國紀年

四年正月立德王裕為皇太子
勤王錄曰公以儲副
之設國之大本上表

云云敕宜從允時正月十一日也當四日之間而儲
君奉冢祀宗室歸藩邸蓬頭突鬚之士不入於禁門
文成五利之徒不陳其左道君父開悟遐邇誅歌人
不震驚市無易肆公之力也李巨川著書矯誣善惡
乃至於此
今從實錄

丙申龐師古葛從周入鄆州執朱瑄
薛居正五代史
梁太祖紀辛卯

營于濟水之次龐師古令諸將撤木為橋乙未夜師
占以中軍先濟朱瑄奔壁夜走葛從周擒瑄并妻男
以獻按濟水自王莽時大旱不復能絕河而南自是
河南無濟水編遺錄曰五月遣騎於鄆州軍前追從
周徑往洹水董師以代侯言師古留攻鄆梁太祖實
錄四年正月復以洹水之師大舉伐鄆十五日辛卯
營其西南河外龐師古命諸將撤木為橋以圖霄濟
癸巳前軍以心膂百人盜決河口甲午浮橋集水次

乙未夜師古中軍先濟聲振壁內朱瑄聞之棄壁走
編遺錄四年正月巳卯朱瑄兵少糧盡不敢出戰然
葛溝高壘難越也從周師古乃取清河內小舟採野
葛草芽索之以為巨纜乃於其橋南建浮橋丙申功
就我師渡橋朱宣奔遁皆不云濟水師古去年三月
已敗鄆兵于馬頰追至西門據故洛亭子為寨乙未
夜先濟蓋鄆城下清河水疑朱瑄引之以環城固守
故師古等為浮橋以濟師河既可決明非自然之水
也舊紀癸未龐師古陷鄆州朱瑄與妻榮氏潰圍走
瑄至中都為野人所殺榮氏俘於軍新紀丙申全忠
陷鄆州實錄二月丙午朔陷鄆州瑄至中都為亂兵
所殺妻榮至汴為尼据薛史辛卯營於濟水則癸未
鄆未破也新紀云丙申陷鄆實錄二
月蓋約奏到今從編遺錄新紀

師古為鄆州留後
舊紀梁太祖實錄薛居正五代史
師古傳皆云師古為鄆州留後編

遺錄薛史梁紀皆云友裕按編遺錄三月丙子以友
裕為鄆州留後師古為徐州留後蓋初以師古守鄆
州後以友裕代之而
徙師古於徐州也

二月己未赦天下實錄降德音曲赦天下云德音即非赦既云曲赦即不及天下實錄

也誤

四月李繼瑋為匡國節度使實錄賜同州號匡國軍以防禦使李繼瑋為匡

國節度使按新方鎮表乾寧二年賜同州號匡國軍王行約已嘗為匡國節度使蓋行約死繼瑋但為防

禦使今始復舊名耳

韓建奏貶張禕等實錄貶刑部尚書張禕趙崇蘇循等為衡州司馬韓建惡之誣奏貶

焉禕等必不皆為刑部尚書皆貶衡州司馬實錄誤也

五月朱友恭執瞿章薛居正五代史梁紀五月丁丑朱友恭遣使上言大破淮寇於

武昌收復黃鄂二州新紀壬午全忠陷黃州刺史瞿璋死之朱友恭傳云瞿章十國紀年作瞿章吳錄云

執刺史瞿章當可据

八月韓建殺通儀等十一王舊紀是日通軍以下十一王并其侍者皆為建

兵所擁至右隄谷無長少皆殺之唐補紀曰六宅諸王准前商量請置殿後都韓建怨怒進狀爭論與諸

王互說短長上乃縛韓王克良以下十人送韓建府建以棘刺圍於大廳經宿不與相見軍吏諫遂請諸

王歸宮散却殿後都新紀八月韓建殺通王滋沂王湮韶王彭王嗣韓王嗣陳王嗣覃王嗣周嗣延王戒

丕嗣丹王允按舊紀韓建奏睦王濟王韶王通王彭王韓王儀王陳王八人新宗室傳初帝遣嗣延王戒

丕嗣丹王允往見李克用又有覃王嗣周則是十一人新紀傳儀作沂按照昭宗子裡封沂王不應更封宗

室舊紀儀王恐可据

朱朴再貶郴州司戶實錄朴貶郴州司戶按薛廷珪鳳閣書詞有朴自秘書監責除

蜀王傳分司東都制云苞藏莫顧於朝綱進見不由於相府復云猶希顧問之間來撓澄清之化又貶渠

州司馬制云爭臣條奏憲府極言指陳負固之謀忿嫉崇姦之計與此稍異今從實錄

資治通鑑考異卷第二十六

資治通鑑考異卷第二十七

唐紀十九

光化元年正月韓建為修宮闕使

實錄建以行官卑瘁無眺覽之所表

獻城南別墅建初修南莊起樓觀疏池沼欲為南內行廢立之事其叔父豐見其跋扈謂建曰汝陳許間一民乘時危亂位至方鎮不能感君父之惠而欲以同華兩州百里之地行廢立覆族在旦莫矣吾不如先自裁免為汝所累由是建稍弭其志及李茂貞表請助營宮苑又聞朱全忠繕治洛陽累表迎駕建懼故急營葺長安率諸道助役而又親程功焉按建若欲廢立何必先營南內今不取

九月羅弘信薨

薛居正五代史梁紀弘信傳太祖紀年錄皆云弘信八月卒按八月昭宗

還京弘信猶加官舊紀傳九月卒今從之實錄十月約奏到也

十月王珙殺王祝

祝為給事中并遇害舊紀實錄皆無年月今因珙代河中事附此

十一月崔洪以弟賢為質

十國紀年洪託以將士不受節制遣兄賢質於汴按

舊紀十月汴將張存敬以兵襲蔡州刺史崔洪納款請以弟賢質于汴許之實錄亦云弟賢今從之

二年三月朱全忠遣丁會下澤州

實錄丁已葛從周復取澤州按編遺

錄丁巳河橋丁會收復澤州實錄云從周誤也唐太祖紀年錄三月周德威敗氏叔琮於洞渦驛先是逆

溫令丁會將兵助李罕之戍潞州至是葛從周復入潞州以代丁會賊復陷我澤州梁實錄薛史梁紀皆

云六月方遣從周入潞州紀年錄於此連言後事耳

六月葛從周代丁會守潞州

編遺錄六月乙丑李罕之疾甚請歸河陽丁知

上令抽太軍廻以丁會權制置綏懷上黨上乃東歸不言遣從周入潞薛居正五代史梁紀六月帝表丁

會為潞州節度使以李罕之疾亟故也又遣葛從周由固鎮路入于潞州以援丁會梁實錄後唐紀皆云

代會自此至潞州破賀德倫走不復見會名或者李罕之既卒復召會守河陽以從周代之不可知也今

因會鎮潞終言之

三年七月李嗣昭敗汴軍於內丘

唐太祖紀年錄七月

內丘遇汴軍三千戰敗之擒其將李瓌薛居正五代史後唐紀與紀年錄同惟唐末見開錄八月二十五

日嗣昭領馬步五萬取馬嶺進軍下山東某月山東告捷收得潞州九月二日嗣昭兵士失利却回新紀

八月庚辰陷潞州薛史唐紀九月嗣昭棄城歸蓋據此也按編遺錄八月中云前月二十五日上於毬場

饗士忽有大風驟起占者曰賊風果於是時李進通領蕃寇出攻潞州然則嗣昭出兵乃七月二十五日

也編遺錄又曰八月乙丑出兵救潞州乙丑九日也又進通敗奔歸太原在八月見開錄誤今從編遺錄

紀年錄梁紀

八月嗣昭敗汴軍于沙門河

編遺錄七月二十五日

來攻潞州八月乙丑發大軍救應之上尋亦自領衙軍相繼北征翌日達滑臺軍前馳報潞州已陷刺史

朱紹宗因踰堞墮而傷足為賊所擒唐太祖紀年錄八月李嗣昭又遇汴軍于沙門河擊而敗之進攻洛州刺史朱紹宗挈其族夜遁我師追及擒之唐末見聞錄八月二十五日嗣昭進軍下山東某日山東告捷收得洛州捉得刺史朱溫姪男舊紀八月庚辰嗣昭攻洛州下之薛史梁紀八月河東遣李進通襲臨洛州新紀亦在庚辰乃二十五日也

實錄在九月約奏到今從編遺錄

九月葛從周大破李嗣昭

唐太祖紀年錄葛從周攻洛州嗣昭弃城而歸是役

也王郤郎揚師悅臨洛州復為汴有唐末見聞錄九月二日嗣昭兵士失利却回被汴州捉到王郤郎編遺錄薛居正五代史梁紀八月帝遣葛從周屯黃龍鎮親領中軍涉洛而寨晉人懼而宵遁洛州復平唐紀九月汴帥自將兵三萬圍洛州嗣昭弃城而歸葛從周伏青山口嗣昭軍不利實錄九月嗣昭棄洛州敗於青山口今從唐末見聞錄唐紀實錄

十月馬殷克桂州

唐烈祖實錄新唐書本紀路振九

桂州馬氏行年紀及王舉大定錄云天復元年惟曹衍湖湘馬氏故事云天復甲子宣晟自安州入桂州天祐四年丁卯十二月收嶺北七州明年十月平桂州差繆極甚新唐書方鎮表光化二年升桂管經路使為靜江軍節度而本紀乾寧二年安州防禦使宣晟陷桂州靜江軍節度使周元靜部將劉士政死之歲月既已倒錯又以士政為元靜部將同死尤為垂誤今據武安節度掌書記林崇禧撰武威王廟碑云我王臨位五歲而桂林歸款自乾寧三年至光化三年五年矣又與實錄合故從之

十一月庚寅劉季述等廢立

按此月乙酉朔己丑五日舊紀云庚寅舊宦者傳唐年補紀皆云六日無云五日者而實錄新紀云己丑誤也唐太祖紀年錄先云六日後云七日尤誤也崔胤所恃者昭宗耳季述

議廢立安肯即從之補錄紀年錄云脅之以兵是也唐補紀云皇后穴牆取太子又云令旨宣告大臣與社稷為主又云后白軍容令聖上養疾皆程匡柔為宦者諱耳不可信也

解崔胤度支等使

舊傳劉季述畏朱全忠之強不敢殺崔胤但罷知政事落使務守本

官而已胤復致書於全忠請出師返正故全忠令張存敬急攻晉絳河中按舊紀新紀新宰相表此際皆無胤罷相事全忠攻晉絳河中乃在明年返正後今不取

十二月李振勸朱全忠討季述

薛居正五代史李振傳十一月太祖遣振

入奏於長安邸吏程巖白振曰劉中尉命其姪希貞來計大事既至巖乃先啓曰主上巖急內官憂恐在中尉欲行廢黜敢以事告振顧希貞曰百歲奴事三歲主亂國不義廢君不祥非敢聞也况梁王以百萬之師匡輔天子幸孰計之希貞大沮而去振復命劉季述果作亂程巖率諸道邸吏牽帝下殿以立幼主振至陝陝已賀矣護軍韓勣言其事振曰懿皇初昇遐韓中尉殺長立幼以利其權遂亂天下今將軍復欲爾邪彝範即文約孫也由是不敢言編遺錄上雖聞其事未知據實但懷憤激丁未上離定州軍前十二月戊辰達大梁欲潛謀返正乃遣李振偵視其事振迴益詳其宜也尋馳將玄暉與崔胤悉圖大義

薛史梁紀季述幽昭宗立德王裕為帝仍遣其養子希度來言願以唐之神器輸於帝時帝方在河朔聞之遽還于汴大計未決會李振自長安使回因言於

帝云云帝悟因請振復使于長安與時宰潛謀返正

按季述廢立之前李振若已嘗立異今豈敢復入長

安與崔胤謀返正乎今從編遺錄又按唐太祖紀年

錄及舊張濟傳皆云濟勸諸蕃匡復而梁實錄及李

振傳皆云濟勸全忠附中官與紀年錄及舊傳相違

恐梁實錄誤振傳據實錄也唐補紀曰自監國居位

將及五旬歲表不來朝野驚虞亢旱時多虹蜺背瑤

崔胤觀其不祥便謀內變潛行書檄於關外播揚辭

舌於街衢朱全忠封崔胤微書并手札等與季述云

彼已翻覆早宜別圖無何季述以此書示于崔胤曰

比來同匡社稷却為關亂藩方不審相公何至於此

亂唯云無此事遭人反圖刻蠟偽名自古乃有軍容

若行怪怒則乞俯存家族季述乃與言誓相保始終

胤其夜便致書謝全忠云昨以再誠諮撓尊聽却蒙

封示左軍劉公其人已知意旨今日與胤設盟不相

損害然遠託令公為主方應保全兼送女僕二人細

馬兩匹全忠覽書大詬曰劉季述我與伊同王事十

二三年兄弟之故特令報渠不能自謀却示崔相道
我兩頭三面實是難容我若不殺此公不姓朱也乃
擲於地其使者走一健步直申崔公從茲與大梁同
謀大事按崔胤胤來內倚昭宗外挾全忠與宦官為
敵今昭宗既廢胤胤所以得未死者以與全忠親密故
也全忠安肯以其書示季述季述恨胤深入骨髓若
得此書立當殺胤胤豈肯復以示胤而與之盟誓也
此殊不近人情皆程匡柔黨宦官疾胤之辭耳

天復元年正月全忠封東平王舊紀二月以全忠守中書令進封梁王薛

君正五代史梁紀正月癸巳進封帝為梁王酬返正
之功也實錄癸巳沛郡王朱全忠加定謀宣力功臣
進封東平王新紀二月辛未封全忠為梁王按編遺
錄此年二月辛未表讓梁王三年二月制云死苑名
邦睢陽與壤光膺簡冊大啓封疆可守太尉中書令
進封梁王或者今年已曾封梁王全忠讓不受收封
東平王至三年乃進封梁王而三年制
辭前官爵已稱梁王蓋誤也今從實錄

崔胤留岐兵三千宿衛唐補紀曰其月八日李茂貞朝觀留二千人在右街侍衛

而回崔胤胤甲朱全忠請三千人在南坊宅側安下屬
翔劫駕西去朱全忠又聞以車子載器仗稱是御綸
進奉推車子人皆是官健入崔胤宅中人心驚惶不
同前後崔胤胤累差人喚召朱全忠不到新傳韓全
等知崔胤胤必除已乃已因諷茂貞留選士四千宿衛
以李繼徽惣之消亦諷朱全忠內兵二千居南司以
婁敬思領之蓋取唐補紀耳按韓偓金鑿密記偓對
昭宗云當留兵之時臣五六度與崔胤胤力爭胤曰某
實不留兵是兵不肯去臣曰其初何用召來又胤云
且喜岐兵只留三千人據此則是胤召茂貞入朝仍
留其兵也又舊紀梁實錄編遺錄薛居正五代史梁
紀等諸書皆不言全忠嘗遣兵宿衛京師若如唐補
紀所言岐汴各遣兵數千人戍京師則昭宗欲西幸
時兩道兵必先闕於闕下不則汴兵皆為宦官所誅
不則先追去今皆無此事蓋程匡柔得於傳聞又黨
於宦官深疾崔胤胤未足信也然胤胤所以欲留茂貞兵
為已援者蓋以茂貞自以誅劉季述為已功必能與
已同心歸疾宦官以利誘之遂復與宦官為一耳今
從金鑿記

二月李克用修好於朱全忠

唐末見聞錄乾寧四年六月差軍將發往汴州

為使其書云云汴州回書云云據全忠書有前年洹水曾獲賢郎去歲青山又擒列將又云鎮定歸款浦晉求和則非乾寧四年明矣唐年補錄天復元年五月壬午制以朱全忠兼領河中乃詔與太原通和初朝廷以全忠吞併河朔又收下蒲津必恐兵起相侵片下詔太原夷門使務和好時太原意亦以全忠漸強先以書聘全忠書辭與見聞錄同全忠答太原書又進表云臣與太原曾於頃歲首締歡盟及其偶撥猜嫌止為各爭言氣又云但以來書意指未息披攘又云臣詳茲來意益切憤懷不敢遂與通和必恐有孤朝寄已遣諸軍進討訖續實運錄載全忠表云臣當道先自河府抽軍便赴太原進討已累具狀分析聞奏訖臣今月二十三日部領牙隊到東都李克用差到專使張持與臣書一封并馳馬弓箭銀器匹段等與臣通和其張持臣且與迴書放歸訖當月河府帥回兵士即勒權於河陽屯駐見耕比收復路州便遷迤赴太原進討次其李克用與臣書一封謹隨狀封進天復四年二月奏其年三月二日表到駕前奉

襄宗三月八日敕云云天復四年尤誤也編遺錄天復元年二月李克用遣一軍將張持執檄厚幣而來釋憾亦差軍將持函以為報又曰辛巳上欲北回軍便征北虜近者李克用以甘言重幣請通和好遂具事奏聞語與補錄同唐太祖紀年錄天復元年六月太祖以梁寇方疆難以兵伏陽降心以緩其謀乃遣押牙張持持幣馬書檄以諭之請復舊好書詞大陳北邊五部土馬之盛皆吾外援朱溫視之不懌令敬翔修報詞旨踈拙人士嗤之薛居正五代史梁紀天復元年二月李克用遣牙將張持來聘帝亦遣使報命李襲吉傳天復中武皇議欲修好於梁命襲吉為書以貽梁祖書辭與見聞錄同其年月日各參差不同据全忠答太原書云今月二十二日使至又上表云先自河府抽軍赴太原又云二十二日到東都則克用書達全忠必在天復元年二月下旬今從編遺錄梁紀

五月氏叔琮等自石會關歸

編遺錄四月壬戌上以李克用遣張特齋書請

尋權盟乃指揮諸軍所在且駐留見差發專人入太原許通權好兼并州地寒節候甚晚戎馬既多野草

不足於芻牧尋令氏叔琮迴戍後唐太祖五月氏叔琮及四面賊軍皆退薛史梁紀班師在四月後唐紀汴軍退在五月蓋全忠以四月命班師而叔琮等以五月離晉陽故國史記之各異也

六月癸亥朱全忠如河中薛居正五代史梁紀庚申帝發自大梁今從編遺錄

閏月丁會為昭義節度使薛居正五代史會傳自河陽以疾致政於洛陽梁祖

季年猜忌故將功大者多遭族滅會陰有避禍之志稱疾者累年天復元年梁祖奄有河中晉絳乃起會為昭義節度使按光化二年六月會自河陽為昭義節度使九月李克用取潞州表孟遷為節度使特罕之已卒必是會却領河陽至此纔二年則非致政稱疾累年也又是時全忠未嘗誅戮大將疑會降河東後作傳者誤以天祐中事在前言之耳

崔胤召朱全忠唐太祖紀年錄會汴入寇同華宦者知崔胤之謀時胤專掌三司泉貨韓

全誨教禁兵伺胤出聚而呼謀誦以冬衣減損軍人又上前披訴天子徇衆情罷崔胤知政事崔胤怒急

召朱溫請以兵師入輔唐補紀時朱全忠潛作急詔令全忠入朝又修書云云全忠

便發河中還汴按是時全忠未寇同華胤亦未罷紀年錄誤今從唐補紀

十月全忠舉兵發大梁薛居正五代史十月戊戌奉密詔赴長安是時朝廷軍國

大政專委崔胤崔胤每事裁抑宦官宦官側目崔胤於便殿奏欲盡去之全誨等屬垣聞之中官視崔胤裂以重賂甘言誘藩臣以為城社時因譙聚則相向流涕時崔胤專掌三司貨泉全誨等教禁兵於昭宗前訴之昭宗不得已罷崔胤知政事崔胤急召太祖請以兵入輔故有是行按帝幸鳳翔前崔胤未罷相此與太祖紀年錄略同亦誤

丁酉宮禁諸門增兵防守按金鑾記二十日入直隔夜崔公傳語明日請相看

侵早到門崔出御札相示然則添人把門及降御札

皆十九日事實錄已亥差人把門已亥乃二十一日

實錄誤也

十一月壬子韓全誨等劫上幸鳳翔

續寶運錄其年十月朱全忠發

士馬十一月入長安聖上幸鳳翔宰臣裴諗翰林學士令狐渙等扈從其皇后王氏及百官太子王印龍服並是汴州迎在華州相次修東都宮室旋迎赴東都其年十一月初鳳翔士馬入京劫掠街西諸坊實貨士女至甚及七日汴州士馬入京赴救長安士庶並走攢在開化坊其說妄謬今不取

乙卯全忠取華州

編遺錄上引兵逼華州韓建輕騎出牆歸投上於西溪亭子與建飲

膳畢却歸赤水營旬日乃請建充忠武節度使梁太祖實錄乙卯大軍及華州建來降甲辰署建權知華州事仍以宣武牙推龔麟佐之唐太祖紀年錄丙辰汴軍攻華州九日建以城降唐補紀同州刺史王行

約閉城登壘全忠斫開城門屠之不留唯類華州韓建聞此出城三十里迎之只於迎處云令公本貫許州便仰衣錦乃差人押出關東舊傳建令李巨川至

河中送款敬報疾其文筆勸全忠害之薛居正五代史梁祖紀丙辰帝表建權知忠武軍事促令赴任實錄乙卯全忠取華州丙辰次武功徒建為忠武節度

使按此月無甲辰蓋丙辰字誤也全忠乙卯取華州丙辰豈能遽至武功唐補紀又云昭宗不知崔胤為

行詔命聞朱全忠平陷兩州十一月三日亥時奔波西去按行約乃克用取同州時節度使也程匡柔妄

謬多此類今取華州日從梁太祖實錄李巨川死從昭宗實錄

崔胤請全忠迎駕 編遺錄于時長安無人主朝廷無

來喪亂未若今日胤請王溥自西京至赤水請上進軍迎駕戊午離赤水薛居正五代史梁紀已未發赤

水按唐太祖紀年錄朱温至長樂崔胤帥百官班迎編遺錄胤請王溥自西京至赤水軍前商議實錄云

胤東寓華州又云胤召溥至赤水皆誤也舊紀亦云胤令溥至赤水促全忠迎駕今從之發赤水日從編

遺錄

戊辰全忠至鳳翔 實錄乙丑全忠駐軍岐城之東丙寅全忠軍至城下按全忠癸亥離

長安乙丑丙寅至岐太

速今從編遺錄新紀

通鑑卷之...

通鑑卷之...

辛酉全忠移兵趣邠州

金鑿記曰十七日早聞岐師昨夜二更却迴云軍大劔汴

令有表迎駕并述行止汴軍在岐東下寨十八日十九日白麻盧光啓可諫議大夫參知機務二十日翰林學士姚洎兼知外制詔二十四日汴令有表奉辭東去二十五日汴軍離發延英門舊紀癸酉全忠辭去今從

編遺錄

崔胤責授工部尚書

實錄載制辭曰三居極位一無可稱又曰無功及人為國生事

按舊傳前云罷知政事落使務後云同平章事鹽鐵轉運使實錄前云罷省監鐵使至此制官位中復帶

比日誤

二年二月戊寅全忠旋軍河中

實錄在正月按編遺錄二月戊寅上以

駐兵車於三原乃議東歸蒲阪遂取高陵櫟陽左馮入于蒲津梁太祖實錄二月戊申朔上總御戎馬發自三原復至武功縣駐焉貢章奉辭迴軍赴蒲坂今從唐年錄舊紀

三月李嗣昭李嗣源等勸李克用固守

唐太祖實錄

上日夜入賊營斬將塞旗賊多驚擾梁太祖實錄三月癸丑虜衆悉出友寧以飛騎犯其左右翼虜大敗共掩殺不知其數擒克用男廷鸞及將校健卒數千人實錄朱友寧圍太原營西北隅攻其西門城內大恐克用欲奔雲中弟克寧止之又遣李嗣昭與克用子存勗日夜擾賊營友寧乃燒營而遁按紀年錄所謂今上者乃明宗非莊宗也實錄誤

李儼張濬之子

唐補紀二年昭宗自鳳翔遣金吾將軍李儼齎御札自巫峽間道潛行宣

告吳王楊行密為討伐逆賊朱全忠事李儼者宰臣張濬男其張濬先為都統討太原退軍朝敗韓建力

救不赴賊所只在二峯其男行在乃授金吾將軍昭宗差來宣告於吳王行密朱全忠探知張濬一門盡

遭殺戮按此年濬未死儼賜姓李見此年十月

五月己未朱全忠發河中

金鑿記五月三日岐馬步軍敗迴戈傷中不少八日

聞四面百姓盡般移入城內二十一日聞汴帥於鄆縣築城及寶雞下寨二十三日聞汴帥至石鼻又至橫渠二十四日聞汴帥至城南十里按編遺錄六月全忠始離渭橋此蓋全忠下遊兵耳實錄據金鑿記云癸亥朱全忠引軍至石鼻乙丑至橫渠已巳駐師城南誤也

六月丁亥全忠圍鳳翔梁太祖實錄六月丁丑暨號縣辛未文通涇兵驟出布陣

俟敵我之將卒躍進決鬪始辰暨午寇大敗屍什萬餘人命諸軍徙寨逼其壘自是岐人繼出師靡不喪命六月乙亥上以墊屋有博野軍與岐人往來以窺我命李暉討平丙戌復遣孔勅領兵由大散關取鳳州按六月乙亥朔無辛未前云丁丑後云辛未又再云六月皆誤從唐實錄

十月李儼至楊州十國紀年注李昊蜀書張格傳云弟休仕唐為御史奉使揚州聞長

水之禍改姓名曰李儼九國志云李儼本左僕射張濬之少子名播起家校書郎遷右拾遺濬為李全忠所害播自長水奔鳳翔昭宗賜其姓名來使欲徵兵復離行密與李全忠書云選張述於諫省俾銜命於

徽藩授秩執金賜編屬藉新舊唐書昭宗紀及濬傳皆云天復三年十二月全忠殺濬於長水然則儼來使時濬猶未死述與休字相亂或一名潘平實錄是日始以儼為江淮宣諭使以行密充吳王東面行營都統誤也據行密書則儼父在時已賜姓李宣諭行密為討全忠明年春全忠既克鳳翔儼遂留淮南不敢歸朝耳

朱全忠遣司馬鄴奉表入城實錄庚辰司馬鄴奉表壬午對全忠使司馬鄴

薛居正五代史司馬鄴傳大軍在岐下遣奏事於昭宗再入復出實錄作鄴誤也

十一月孔勅拔坊州又取鄜州編遺錄十二月癸酉遣孔勅李暉領兵襲

鄜州以牽李周彝之兵已亥我師攻陷鄜州獲周彝親族遂令李暉權知鄜州軍事不數日周彝乃遣幕賓投分通好然上許抽兵梁太祖實錄十一月癸卯鄜帥李周彝統州兵萬餘人屯于老耑祠之下上命孔勅李暉乘虛捷取之壬子勅等破中部郡甲寅大雨雪大軍冒之夕進五鼓及其壘克之按癸卯距已

亥近六十日鄜汴相守豈得全不交兵今從唐梁二實錄

盧光稠陷韶州

新紀是歲光稠卒牙將李圖自稱知州事按十國紀年歐陽脩五代史光

稠傳開平五年方卒新紀誤也

三年正月丙午王師範遣劉鄩取兗州

舊紀丙午青州牙將劉鄩

陷全忠之兗州又令牙將張厚入奏是日亦竊發於華州殺州將婁敬思唐太祖紀年錄是月四日青州

帥王師範將劉鄩竊據兗州同日師範將張厚輦戈甲十乘至華為華人所詰因竊發燔其鄩殺華州指

揮使婁敬思而去新紀丙午師範取兗州梁太祖實錄丙辰青州綱將亂于華而敗是日劉鄩陷我兗州

唐實錄亦在丙辰按長曆丙午正月四日丙辰十四日編遺錄云魏師及朱友寧告急劉鄩正月四日襲

陷兗州與紀年錄等同梁太祖實錄多謬誤恐難據今從諸書移置丙午唐祖補紀云天復二年尤誤

戊申誅韓全誨等

舊紀丁巳北將玄暉與中使押送全誨等二十一人首級告諭四鎮

回鑿之期新紀正月戊申殺全誨等唐太祖紀年錄正月甲辰鳳翔李茂貞殺其子繼筠觀軍容韓全誨

張彥弘樞密使表易簡周敬容等二十二人皆斬首囊盛押領出城以示朱温全鑿記六日誅全誨等唐

年補錄正月癸卯賜朱全忠詔唐補紀云天復二年二月誅全誨等八人其全誨等伏誅日今從全鑿記

實錄新紀按全鑿記唐年補錄唐實錄後唐紀年錄載六日所誅宦官名可見者全誨等四人處廷等十

六人而全鑿記云是夜處置內官一十九人唐年補錄云全誨以下二十二入首級紀年錄云殺全誨等

二十二入比夢瑣言亦云二十二入首級新傳云繼筠繼誨彥弼皆伏誅是夜誅內諸司使韋處廷等二十

二人若并繼筠等數之則多二人若只數宦官則少二人若如全鑿記是夜又誅十九人則多一人或者

二人名不見歟

車駕幸全忠營

王禹稱五代史闕文曰昭宗佯為鞋系脫呼梁祖曰全忠為吾繫鞋梁祖

不得已跪而結之流汗浹背時天子扈蹕尚有衛兵昭宗意謂左右擒梁祖以殺之其如無敢動者自是

梁祖被召多不至其後盡去昭宗禁衛皆用汴人矣
按全忠時擁十萬之衆昭宗方脫茂貞虎口託身全
忠豈敢遽爲此謀或者欲効漢高祖之折黥布亦恐昭宗不能辦耳今不取

庚午全忠殺第五可範等數百人舊紀辛未內官第
五可範已下七百

人並賜死於內侍省金鑾記二十八日處置第五可
範已下四百五十人太祖紀年錄內諸司百餘人及
隨駕鳳翔羣小二百餘人一時斬首于內侍省舊傳
與紀年錄同新傳亂全忠議誅第五可範等八百餘
人於內侍省梁太祖實錄已已翌日誅宦官第五可
範等五百餘人于內侍省仍命畿內及諸道搜索處
置以盡厥類唐年補錄云誅宦官七百一十人按舊
紀編遺錄皆云正月辛未誅可範等而梁實錄唐補
紀續寶運錄金鑾記唐年補錄薛居正五代史梁紀
新唐紀或云己巳朔日或云二十八日今從之蓋全
忠亂雖奏云罷諸司使務追監軍赴闕其實即日已
擅誅之至二月癸酉始下詔賜死故昭宗哀而祭之耳
二月陸褒言鳳翔獨無詔書舊傳帝還京後赦詔道
皆降詔書獨鳳翔無詔

褒奏云云按是時未赦恐止是降
詔書或赦前褒議如此故胤怒耳

蘇檢盧光啓賜死實錄檢光啓並賜自盡一說檢長
流環州唐太祖紀年錄初從幸鳳

翔命盧光啓韋貽範爲相又命蘇檢平章事及車駕
還宮胤積前事怒之不一月皆貶謫之左遷陸褒沂

王傅王溥太子賓客蘇檢自盡續寶運錄二月五日
應是岐王駕前宰臣盧光啓等一百餘人並賜自盡

新紀朱全忠殺蘇檢盧光啓舊胤傳昭宗初幸鳳翔
命盧光啓韋貽範蘇檢等作相及還京胤皆貶斥之

新光啓傳云檢長流環州光啓賜死與
寶運錄注同檢流環州不見本出何書

輝王祚爲諸道兵馬元帥金鑾記上曰朕以濮王處
長云云新傳帝十七子德

王裕棟王羽虔王契沂王禮遂王禕景王祕輝王祚
祁王祺雅王禎瓊王祥瑞王禎豐王祁和王福登王

禧嘉王祐穎王提蔡王祐何皇后生裕及祚餘皆失
母之氏位舊傳云昭宗十子無端王禎以下七人按

新舊傳昭宗諸子皆無濮王孫光憲續通曆濮王名
綱昭宗之母曰太后王氏哀帝被殺朱全忠冊綱

為天子改元天壽明年禪位於梁此乃光憲傳聞謬誤也昭宗亦無王皇后金鑾記所云濮王蓋德王改封

朱友裕為鎮國節度使實錄壬辰以興德府復為華州賜名感化軍以友裕為節

度使按編遺錄天祐三年閏十二月乙丑敕鎮國之號與德之名並宜停薛居正五代史地理志華州梁為感化軍梁功臣傳天復三年友裕權知鎮國軍留後今從實錄

五月雷彥威陷江陵成汭赴水死新紀彥威之弟彥恭陷江陵今從編

遺錄舊紀及薛居正五代史十國紀年皆云汭未至鄂渚江陵已陷并士立其家皆無闕志按新紀十國紀年皆云壬子汭敗死壬子此月十二日也而編遺錄云二十二日陷江陵今不取北夢瑣言云天祐中汭死大誤也

許德勳還過岳州鄧進忠降馬氏行年記天復三年岳州刺史鄧進忠帥其眾來降許德勳傳云天祐二年

領兵略地荆南還經岳州刺史鄧進忠以城歸附新

紀金用九國志年月胡相故事言開平中收荆南回

乃襄州者彼岳之陽旋師而取天祐二年十月朱全

忠謀計襄州趙匡凝九月克襄州始命楊師厚攻荆

南然則七月許德勳何繇略地荆南蓋九國志之誤

天復三年成汭敗死德勳及雷彥威襲江陵還取岳州與何致雍碑意略同故以行年記為據

朱友寧屠博昌唐太祖紀年錄師範之舉兵也朱溫

州大舉四鎮魏博之眾十萬擊師範朱友寧楊師厚

攻博與旬餘不下攻城之眾死者大半俄而朱溫至

大怒斬其主將復起上山翌日而拔城中無少長皆屠之仍毀其垣四月進陷臨淄傳青州別將攻北海渡膠水寇登萊等郡實錄據此而置於四月梁太祖實錄四月丙子上至鄆領事辛卯從子友寧率師破青州之博昌臨淄二邑殺戮五千餘眾暨北海焉編遺錄五月辛亥却離歷下宿豐齊驛甲寅上到汶陽

乙卯奏王師範逆狀已未上又往歷下壬戌上以兵
士攻取博昌寨下少樹木時當炎毒却勒親從騎兵
皆歸齊州因又前行夜將半客將劉捍謀曰捍請馳
赴軍前傳諭上意敦將士令戮力速攻必可剋也今
請上却歸歷下上悅而從之便令捍馳騎東往上乃
西歸汶陽丙寅捷音至攻拔博昌盡戮其黨矣據此
則破博昌在五
月今從友寧傳

八月田頽舉兵叛楊行密等十國紀年朱全忠聞田頽
願及杜洪鍾傳錢鏐充四面招討使布制書於境上
王知其詐妄按新舊紀實錄梁太祖紀皆無削奪行
密命洪等為招
討使事今不取

九月楊師厚大破王師範梁太祖實錄九月癸卯楊
師厚勦衆決闔青人大敗
北走殺戮一萬人擒師範弟師克翌日東萊郡遣州
兵泊上團等五千人將援青壘我師邀截剪撲無一
二存焉即時徙寨逼其圍閣唐實錄略與此同編遺
錄冬十月丁卯楊師厚繼告捷於臨朐北及青州州四

而累殺破賊黨擒斬頗衆至十一月萊州刺史王師
範領六千人欲徑入青丘助其守禦師厚伏兵邀之
殺戮將盡下又有丁亥上誕辰聞朱友倫死誕辰乃
十月二十一日友倫死亦十月中事也下又別有十
一月疑上十一月是十一日字或七日日字又曰一日
師範請降疑脫二十十字二十一日即戊午也今從梁

實錄
甲寅朱全忠如洛陽遇疾復還大梁梁實錄云壬戌
唐實錄云十月

丁卯朔今
從編遺錄
戊午王師範降全忠舊紀及薛居正五代史劉鄩傳
皆云十一月師範降編遺錄曰

十一月敗萊州刺史王師克一日師範差人捧款檄
至軍前請舉牆歸降按梁太祖實錄薛史梁紀唐實
錄皆云九月
戊午今從之

十月丁丑劉鄩降全忠梁實錄四年正月辛丑劉鄩
自兗州來降舊紀十一月鄩

以兗州降實錄十一月鄴降薛居正五代史梁紀十一月丁酉鄴降鄴傳曰天復三年十一月師範告降且先差鄴領兵入兗州請釋其罪亦以告鄴鄴即出城聽命新紀十月丁丑劉鄩以兗州叛附于朱全忠按青兗相距不遠師範之降亦以告鄴豈有自戊午至丁酉五十日師範使者始至兗州邪十月丁丑日差近今從新紀

辛巳朱友倫卒

編遺錄丁亥趙廷隱自長安馳來告

日則庚辰也後唐紀年錄薛居正五代史紀昭宗實錄皆云辛巳今從之

十二月劉仁恭擒述律阿鉢

薛居正五代史及莊宗列傳皆云光啓中守光

禽舍利王子其王欽德以重賂贖之按是時仁恭猶未得幽州也今從薛史蕭翰傳及王暉唐餘錄

天祐元年正月柳璨同平章事

舊傳崔胤得罪前一

日既夕璨自內出前驅呼相公來大未見制故莫測所以新傳曰崔胤死昭宗密許璨相外

無知者日暮自禁中出傳呼宰相人大驚按胤未死璨已除平章事新舊傳云胤死後誤也

朱全忠殺崔胤

舊傳全忠攻鳳翔胤寓居華州為全忠

東歸胤以事權在已慮全忠急於篡代乃與鄭元規謀招致兵甲以扞茂貞為辭全忠知其意從之今汴州軍人入關應募者數百人及友倫死全忠怒遣其子宿衛軍使友諒誅胤而應募者突然而出唐太祖紀年錄曰及事權既大知朱溫懷篡奪之志慮一朝禍發與國俱亡因圖自安之計與朱溫外見相厚私心漸異與元規密為計畫倍招兵數繕治鎧甲朝夕不止朱溫察之乃陰令部下驍果數千給為散卒於京師應募胤每日教閱弓弩梁卒偽示怯懦或倒弓背矢有若不能胤莫之識俄而朱友倫打毬墜死溫愈不悅又聞胤欲挾天子出幸荆襄溫乃抗言胤將交亂天下傾覆朝廷宜急誅之無令事發天子將罷胤知政事貶太子賓客鄭元規循州司戶事未行溫之子友諒引兵攻胤詰旦擒之又攻鄭元規於京府擒之崔鄭俱獻首岐下實錄胤重世宰相而志滅唐祚按崔胤陰狡險躁其罪固多然本召全忠欲假其兵

力以除宦官耳宦官既誅全忠兵勢益彊遂有篡奪之心胤復欲以譎詐并圖全忠故全忠覺而殺之若云唐室因胤而亡則可矣昔晉傳云胤為全忠畫圖王之策實錄云胤志滅唐祚恐未必然也胤仕唐以為上相滅唐立梁於已何益假令胤實有此志則惟患全忠篡代之不速何故復謀拒之此所謂天下之惡皆歸焉者也紀年錄序朱崔之情近得其實今從之然紀年錄云傳首岐下誤也又全忠之去長安也留步騎萬人何患無兵何必更令汴卒應募若在訓練之際突出擒胤猶須此卒胤既敗官家居一夫可制安用此計邪蓋全忠以胤募兵既多或能圖已故使汴卒應募察其動靜以壞其謀非藉北兵以誅胤也人始不知及誅胤之際皆突出人方知是汴卒耳

二月乙亥車駕至陝

梁實錄丁巳詔以今月二十二日先遣士庶出京朕將翌日命

駕壬戌襄宗發自秦雍甲子暨華州二月丁卯上至

可甲乙亥天子駐蹕陝郡翌日上來觀于行在編造

紀正月丁酉上聞闕下人心不逞遂往河中以審

崔胤已下潛諫帝不令東遷維陽又密與岐鳳交通

及斯禍也泊上至蒲津帝謀東幸決取二十一日

車離長安是日丁巳王鑾東指癸亥到甘棠二月乙

亥上離河中丁丑到陝郊戊寅朝上欲躬往洛下催

促百工壬辰朝辭明日東邁唐太祖紀年錄丁巳下

詔與梁實錄同又曰壬戌昭宗發長安遷幸洛陽丁

卯車駕次華州乙亥駐蹕陝州丙子朱温自汴州迎

觀見已先發自此人使相望于路請駕早行幸洛陽

舊紀正月己酉全忠率師屯河中遣牙將寇彥卿奉

表請車駕遷都洛陽丁巳車駕發京師癸亥次陝州

全忠迎謁于路二月丙寅朔乙亥全忠辭赴洛陽親

督工作薛居正五代史梁紀正月辛酉帝發自大梁

西赴河中央師聞之為之震懼唐年補錄丁巳帝御

延喜樓全忠迎廬表至及還宮至暮全忠已移書宰

臣裴樞促百官東行是日下詔與梁實錄同尋以張

延範為御營使毀折宮室沿河而下仍起豪民從

行貧者亦繼焉車駕以其月二十三日己未至華州

二月丙寅車駕駐陝郊又曰三月三日戊辰車駕離

華下其差舛如此實錄丁巳全忠遣牙將寇彥卿奉

表言慮冰岐兵亡侵迫請車駕遷都洛陽乃下詔與

梁實錄同二月丙寅朔丁卯次華州時朱全忠屯河中乙亥駐陝州丙子全忠來朝又賜王建綰詔云正月二十日朕登樓二十二日東軍兵士擁脅朕東去新紀正月戊午全忠遷唐都于洛陽二月戊寅次陝州朱全忠來朝按梁實錄唐紀年錄唐年補錄唐實錄所載詔書皆云二十二日遣士庶出京朕翊日命駕而諸書月日各不同莫有與此詔相應者編遺汁人所錄比唐紀年宜得其實而正月十一日丁巳全忠請遷都表始至長安車駕當日豈能便發長安去陝猶八程而癸亥已到甘棠首尾七日太似忽遽實錄全用紀年錄正月二十六日始離長安二月二日至華州駐留數日故同以十日始至陝差似相近今從之

三月全忠奏以長安為佑國軍按河南府先已為佑國軍今京兆府乃與

同名者蓋車駕既在河南則無用軍額故移其名於京兆耳天祐三年鄭實猶為西京留守判官然則雖立軍額京尚存耳

上遣間使賜王建楊行密李克用等綰詔續實錄天復四年

三月二十二日丑時襄宗在陝府行營密遣綰詔告晉楚蜀末云三月二十三日四月二十七日賈到西川頌示管內州縣實錄此月綰詔在四月據十國紀年楊行密三月王建四月得詔與實錄略相應今移置此月

四月全忠殺內園小兒二百餘人後唐紀年錄云五百人實錄據之今

從舊紀薛史

敕內諸司不以內夫人充使編遺錄曰戊申鑾輿初到洛都經費甚廣況國

用未豐庶事草創因剛略閑冗司局今後除留宣徽等九使外餘並停廢仍不差內中夫人充使蓋初誅宦官後內諸司使皆以內夫人領之至此始用外人也而實錄改充使為宣事誤也

昭宣帝天祐二年八月己亥全忠擊趙匡凝梁太祖實錄薛

居正五代史梁紀皆云七月庚午遣楊師厚率前軍討趙疑於襄州辛未帝南征唐實錄七月全忠奏臣疑擅通好西川淮南又遣弟專領荆南請削奪官爵已遣都將楊師厚討之翌日全忠自帥軍以進編遺錄八月壬辰先抽武寧楊師厚是日到乃議伐襄州帥趙匡凝乙未大發車徒委楊師厚總其軍政已亥上領親從步騎繼大軍之後是夜宿尉氏今從之薛史太祖將圖譚代以匡凝兄弟並據藩鎮乃遣使先諭旨焉疑對使者流涕答以受國恩深豈敢隨時妄有他志使者復命太祖大怒天祐二年秋七月遣楊師厚率師討之辛未全忠南征表匡凝罪狀請削官爵按全忠劫遷昭宗於洛陽匡凝與行密等移檄諸道共討之全忠安肯以禪代問之全不取

盧約陷温州

新紀正月約陷温州十國紀年在此月戊戌今從之

九月全師朗降王建

李昊蜀書高祖紀作全行思後主紀作全行宗林思誥王宗播

王承規傳作全行宗桑弘志傳作全行朗新書馬行襲傳作全行全蓋傳為差誤不可考正按後蜀後主

實錄云金州招安指揮使全師郁世居金州疑是師朗昆弟族人也今從十國紀年

周隱請召劉威

按徐溫謂隱為奸人隱若欲為亂當密召劉威豈肯對其父斥渥短請以

軍府授威隱乃憚直之人耳

十月辛卯朱全忠抵光州

梁太祖實錄十月壬申上御大軍發自襄州由安黃

涉申光暨壽春之翟丘駐焉十國紀年十月朱全忠自襄州帥衆二十萬趨光壽按十月丙戌朔無壬申

梁實錄誤今從編遺錄

十一月庚辰楊行密薨

十國紀年注吳錄唐烈祖實錄及吳史官王振撰楊本紀

皆云天祐二年十一月庚辰行密卒敬翔梁編遺錄云天祐三年二月潁州獲河東謀者言去年十一月

持李克用緡書往淮南十二月至揚州方知楊行密且死與莊宗功臣列傳行密傳所載略同沈頰行密

神道碑殷文主行密墓誌游恭渥墓誌皆云天祐三年丙寅二月十三日丙申卒薛居正五代史行密傳

亦云天祐三年卒行密之亡嗣君幼弱不由朝命承襲或始死未敢發喪赴以明年二月疑沈顏等從而書之墓誌云十一月吳王寢疾付渥後事授淮南使或本紀等誤以此月為行密卒王振沈顏殷文圭游恭皆仕吳而記錄差異固不可考今從舊史而存碑誌年月以廣傳聞

十二月戎昭節度使馮行襲領武定實錄云改為武寧軍新表云改

為武定軍按武寧乃徐州軍額武定乃洋州軍額不應同名續寶運錄注云天復七年秋汴軍都頭號為青面改姓朱授全忠印綬為洋州刺史洋州自景福元年刺史楊守佐歸順鳳翔後被朱全忠除此年秋蜀第二指揮使王宗紹收獲金州都押衙全貴率眾降賜姓王名宗朗拜金州刺史又編遺錄天祐三年二月云行襲已於均州建節因署韓恭知金州事請朝廷落下防禦使并不建戎昭軍以比諸書參驗似是今者以行襲兼領洋州節制非改戎昭為武定軍也實錄新表皆誤續寶運錄云天復七年亦誤也

三年四月鍾傳養子延規實錄初鍾傳養上監院僧為子曰延圭補江州刺史

傳卒遂召淮師陷其城今從十國紀年吳史

七月朱全忠引兵南還實錄在六月今從編遺錄唐太祖紀年錄編遺錄七月癸

未上起兵離魏都按長曆是月壬子朔無癸未編遺錄誤也

壬申全忠至大梁編遺錄云壬辰亦誤

十月王建立行臺續寶運錄曰天復六年十月六日行下北勝帖則是此年十月也

十二月錢鏐薦王景仁領寧國節度使薛居正五代史鏐薛為兩

府行軍司馬具以狀聞太祖復命遙領宣州節度使同平章事歐陽脩五代史曰鏐表景仁領宣州節度使今

從之一

閏月丁會降河東唐太祖紀年錄丁酉丁會開門迎降閏十二月太祖以李嗣昭為路

帥薛居正五代史梁紀在閏月後唐紀在十一月今從新舊唐紀薛史梁紀及編遺錄

自氏下會判所

又

軍同具

十二

十

壬申全中

十

十

資治通鑑考異卷第二十七



